

四庫全書

子部

欽定四庫全書

子部

御定淵鑑類函卷六十六
七

詳校官宗人府府丞_臣寶光鼎

主事_臣祁韻士覆勘

總校官檢討_臣何思鈞

校對官中書_臣金光悌

騰錄監生_臣俞鳳

欽定四庫全書

御定淵鑑類函卷六十六

設官部六

太宰

太尉

大司馬

太宰一

原太宰於殷為六太於周為六卿亦曰冢宰 武王時

周公始居之掌建邦之治 秦漢魏並不置

平帝加王莽號曰宰

衡 晉初依周禮備置三公三公之職太師居首以景

帝名師故置太宰以代之而以安平獻王孚居焉增掾

屬十人蓋為太師之互名非周冢宰之任也

安帝以太宰琅邪王

德文不宜嬰拂事務以汙論道之重可袞冕之服綠盤綬羽葆鼓吹盤音戾盤綠也以綠為質盤草名也出琅

邪平昌縣似艾可染綬因為綬名

宋大明中用江夏王義恭為之冠

綬服秩悉與太傅同 齊以為贈 梁初有之 陳又

以為贈有事則權兼之 後魏初無至孝莊時以太尉

上黨王天穆為之增置佐吏 北齊無聞 後周文帝

又依周禮建六官遂置天官大冢宰卿一人掌邦治以

建邦之六典佐皇帝治邦國自隋而無 增宋崇寧時

蔡京得政乃言僕臣之賤非宰相所宜稱於是改左僕射為太宰右僕射為少宰靖康末詔宰臣依舊為左右僕射遼金元明俱無是官

太宰二

原尚書曰冢宰掌邦治統百官均四海 增又曰百官總已以聽冢宰伊尹乃明言烈祖之成德以訓于王

原周官曰太宰之職掌建邦之六典以佐王治邦國一曰治典以經邦國以治官府以紀萬民二曰教典以安

邦國以教官府以擾萬民三曰禮典以和邦國以統百官以諧萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國以任百官以生萬民 增又曰太宰以九兩繫邦國之民兩耦合之言繫者以維持其情性使不離散也 家語曰官屬不治分職不明法政不一百事不紀曰亂亂則飭冢宰

飭謂整攝也

原王隱晉書曰武帝時太

傅領司徒何曾屢上書遜位詔以司徒所掌煩務不可

以久勞耆艾其進位太宰朝會乘輿劍履上殿如漢蕭
何魏鍾繇故事 增又曰何曾為太宰年老禮優每名

見敕以常所飲食服物自隨令二子侍從 又曰太宰

秉與王導同受顧命輔成帝時帝幼冲詔秉依安平獻
王孚故事設牀帳於殿上帝親迎拜 原晉公卿禮秩

曰安平王孚朗陵公何曾汝南王亮皆為太宰 齊職

儀曰太宰品第一金章紫綬佩山玄玉堯命羲和使主
其陰陽之職羲伯司天官也后稷伏事虞夏敬事民時

尊稷為天官夏衰稷後不宐失官由是廢官殷以其官為冢宰周公在豐為太宰召公又居之秦漢魏無此職晉武帝以從祖安平王孚為太宰始置其官安平薨省咸寧四年又置或謂本太師之職避景帝諱改為太宰太宰周之卿位晉武依周置職以尊安平非避諱也後元興中恭帝為太宰桓玄都督中外博士徐豁議太宰非武官不應敬都督從豁議 增仲長統昌言曰冢宰堯官也

太宰三

原正百工

計羣吏

尚書蔡仲之命惟周公位冢宰正百工孔傳謂武王崩時也周禮

曰太宰三歲則大計羣吏之治而誅賞之

統理百官

均平四海

尚書冢宰統理

百官均平四海孔傳云天官統理萬物總御衆官合天下職之

六典佐王

八柄詔

王

詳太宰二周禮太宰以八柄詔王馭羣臣一曰爵以馭其貴二曰祿以馭其富三曰予以馭其幸四曰

置以馭其行五曰生以馭其福六曰奪以馭其貧七曰廢以馭其罪八曰誅以馭其過

太宰四

原太宰古官

晉百官表注云太宰古官金章紫綬五時朝服進賢三梁冠佩山玄玉官品第一

冢宰成道

家語云古之御天下者以六官總治焉冢宰之官以成道司徒之官以成德宗伯之

官以成仁太尉之官以成聖司寇之官以成義司空之官以成禮注曰太宰治官所以成道

總百

官

尚書伊訓曰百官總己以聽冢宰孔傳云伊尹以三公攝冢宰也

贊王治

周禮太宰職云

王視治朝則贊聽治鄭注治朝在路門外羣臣治事之朝王視之則助王平斷

正百官

禮記曰爾

臣守和宰正百官鄭注爾近也謂調君事者冢宰也主治百事也

掌邦治

周禮天官職惟王建

國辨方正位體國經野設官分職以為民極乃立天官冢宰使率其屬而掌邦治鄭注治謂六官之職

主國政

尚書冢宰掌邦治孔傳云天官卿稱太宰主政治也

制國用

禮王制曰冢宰制國

用必於歲秋五穀皆入然後制國用

布治於邦國

周禮太宰職云太宰掌以正月之吉始和

布治于邦國都鄙乃縣治象之法于象魏使萬民觀治象挾日而歛之

施典于邦國

又云

太宰乃施典於邦國而建其牧立其監設其參傳其伍陳其殷置其輔鄭注乃者更申敕之以侯伯有功德者加命作州長謂之牧監一國參謂卿三人伍謂大夫五人也殷謂衆士輔府史庶人在官者也

施法

于官府

又云太宰乃施法于官府而建其正立其貳設其考陳其殷置其輔鄭注正謂冢宰司徒宗伯

司馬司寇司空也貳謂小宰小司徒小宗伯小司馬小司寇小司空也考成也

施則于都鄙

又太宰乃施則于都鄙而建其長立其兩設其伍陳其殷置其輔鄭注長謂公卿大夫王子弟食采邑者兩謂兩卿不言三卿者不足於諸侯

六職辨邦治

又小宰職云一曰治職以平邦國二曰教職以

安邦國三曰禮職以和邦國四曰政職以服邦國五曰刑職以詰邦國六曰事職以富邦國

六屬

舉邦治

又云小宰以官府之六屬舉邦治一曰天官二曰地官三曰春官四曰夏官五曰秋官六曰冬

官

六聯合邦治

又云小宰以官府之六聯合邦治一曰祭祀之聯事二曰賓客之聯事三

曰喪荒之聯事四曰軍旅之聯事五

八成經邦治

又

曰田役之聯事六曰斂弛之聯事

小宰以官府之八成經邦治一曰聽政役以比居二曰聽師田以簡稽三曰聽閭里以版圖四曰聽稱責以傳

別五曰聽祿位以禮命六曰聽取予以書契

八法治

七曰聽賣買以質劑八曰聽出入以要會

官府

又云太宰以八法治官府一曰官屬以舉邦治二曰官職以辨邦治三曰官聯以會官治四曰官常

以聽官治五曰官成以經邦治六曰官法以正邦治七曰官刑以糾邦治八曰官計以契邦治

八則

治都鄙

又云太宰以八則治都鄙一曰祭祀以馭其神二曰法則以馭其官三曰廢置以馭其吏四曰

祿位以馭其士五曰賦貢以馭其用六曰禮俗以馭其民七曰刑賞以馭其威八曰田役以馭其衆

六

計弊羣吏

又小宰以聽官府之六計弊羣吏之治一曰廉善二曰廉能三曰廉敬四曰廉正五曰廉

法六曰

六叙正羣吏

又云小宰以官府之六叙正羣吏一曰以叙正其位二曰以叙

廉辨

進其治三曰以叙作其事四曰以叙制其

九兩繫邦

食五曰以叙受其會六曰以叙聽其情

國之民

又曰太宰以九兩繫邦國之民一曰牧以地得民二曰長以貴得民三曰師以賢得民四曰儒

以道得民五曰宗以族得民六曰主以利得民七曰吏以治得民八曰友以任得民九曰覈以富得民

九貢致邦國之用

又曰太宰以九貢致邦國之用一曰祀貢二曰嬪貢三曰器貢四曰幣貢

五曰材貢六曰貨貢七曰

八統馭萬民

又云太宰以

服貢八曰旂貢九曰物貢

八統詔王馭

萬民一曰親親二曰敬故三曰進賢四曰使
能五曰保庸六曰尊貴七曰達吏八曰禮賓

九職任

萬民

又云太宰以九職任萬民一曰三農生九穀二曰

蕃鳥獸五曰百工飭庀八材六曰商賈阜通貨賄七曰
嬪婦庀治絲枲八曰臣妾聚斂疏材九曰閑民無常職
轉移執事

九賦斂財賄

又云太宰職以九賦斂財賄一曰邦

甸之賦四曰家削之賦五曰邦縣之賦六曰邦都之
賦七曰關市之賦八曰山澤之賦九曰幣餘之賦

九式均財用

又云太宰以九式均財用一曰祭祀之式

二曰賓客之式三曰喪荒之式四曰羞服
之式五曰工事之式六曰幣帛之式七曰
甸秣之式八曰匪頒之式九曰好用之式

收舉五穀

播時百穀

西陽王以宗室加禮

晉起居注咸康元年以太宰西陽王

義宗室長厚特加禮敬依安平王故事設牀帳於後也

何太傅以耆艾進位太

宰

太宰五

原碑晉孫綽太宰郗鑒碑文曰公益黃帝之苗裔氏族所由皆紀於祖御史大夫之碑矣靈和誕授載有公侯至德碩量天實挺之琅邪王應天啓之運闡中興之道思延英賢以匡王業乃假兗州刺史金章仍割元鉞載飾于時羯寇凶熾羣逆焱起公奮其忠勇精貫白日信

順為甲冑大節為城池故能推却凶寇全身濟功惟公德器純固體識深宏敦尚衡門則服膺曾閔毗亮皇極則憲章元凱篤誠簡於帝心明允著於蒞政信鍾山之圭璧歲寒之靈木者也搞藻風雲策名帝錄肇階方尺遂隆台岳王室未休吾何以豫興言再慨思康天步將俾皇化歸之太素彼蒼者天曾不遐祚哲人其萎民斯攸慕嗟爾後昆式瞻宏度 齊王儉太宰褚彥回碑文曰夫太上立德其次立功此之謂不朽所以子產云亡

宣尼泣其遺愛隨武既歿趙文懷其餘風乃祖太傅德
合當時行庇州壤深識臧否不以毀譽形言亮采王室
每懷冲虛之道可謂婉而成章志而晦者矣公稟川岳
之靈暉含圭璋而挺曜和順內凝英華外發神茂初學
業隆弱冠是以仁經義緯敦睦於閨庭金聲玉振寡亮
於區宇孝敬淳深率由斯至盡歡朝夕人無間言逍遙
乎文雅之囿翱翔乎禮樂之場風儀與秋月齊明音徽
與春雲等潤既而齊德龍興順皇高禪深達先天之運

臣贊奉時之業亦猶稷契之臣虞夏荀裴之奉魏晉今
之尚書古之冢宰雖職輕於冢司而任隆于百辟暫遂
冲旨改授朝端邇無異言遠無異望執五禮以正民簡
八刑而罕用故能騁蹟康衢延慈哲后仰南風之高詠
餐東序之祕寶雅議於聽政之晨披文於宴私之夕參
以酒德間以琴心曖有餘暉遙然流想君垂冬日之溫
臣盡秋霜之戒肅肅焉穆穆焉於是見君親之同致知在
三之如一銘曰永言必孝因心則友仁洽兼濟愛深善

誘觀海齊深登岳均厚五臣茲六八元斯九率禮蹈謙
諒實身幹迹屈朱軒志隆衡館眇眇玄宗萋萋辭翰義
既水流文亦霧散

原誅晉潘岳太宰魯武公誅曰昂昂公侯實天誕育八
元斯九五臣茲六揜討逆節折衝江湖走欽擒儉梟誕
弊吳公于出征爰整其旅壘未越郊麾不及舉秦涼獲
乂西戎即叙他人之賢譬彼丘陵邈矣公侯如日之升
泰山其頽寢疾不興遐邇曷仰社稷焉憑生榮則易終

哀實難靡不春華鮮克歲寒嗚呼公隕率土含酸趙喪
望諸列國同傷秦亡蹇叔春者不相桃李不言下自成
行德之休明沒能彌彰

原表後魏溫子昇上黨王穆讓太宰表曰臣聞策蹇長
途終慙一日之致懸縷層臺詎任千鈞之重固知才弱
不可自強力微難以企及智小謀大恐貽折足之憂才
輕任重懼有絕臚之悔既慮鑠金因陳匪石

太尉一

原太尉秦官

漢因之

應劭漢官儀謂太尉周官非也鄭注月令亦曰秦官尚書中候

云爵為太尉東哲據非秦官以此追難元馬劉昭曰緯候衆書貴尚詭出沒隱顯動挾誕怪太尉官實司天虞舜作宰璿衡賦政當是據位以書前職非虞之實號也太尉所職即舜所掌遂以同掌追稱太尉乃中候之誤假蓋非官之為謬康成淵博自注中候裁及注禮而忘舜位豈其實哉此是不發譏於中候而正之於月令也廣微之誚金印紫綬掌武事漢文三年省景帝三年復未探碩意

置其尊與丞相等

丞相衛綰病免上議置丞相太尉藉福說田蚡曰上以將軍為丞相必讓

實嬰嬰為相將軍必為太尉太尉相尊等耳又有讓賢名蚡從之皆如其謀

五年又省元狩

四年更名大司馬

大司馬說在本篇

後漢建武二十七年復

舊名為太尉公每帝初即位多與太傅同錄尚書事

府門無闕

論者云王莽以大司馬篡盜神器故貶其闕

掌四方兵事功課

歲盡則奏其殿最而行賞罰凡郊祀之事掌亞獻大

喪則告謚南郊凡國有大造大疑則與司徒司空通

而論之國有過事與二公通諫諍之靈帝末以劉虞

為大司馬而太尉如故自此則大司馬與太尉始並

置矣

劉寵字祖榮遷太尉以日食免

魏亦有之

王祥字休徵為太尉司馬文王進爵

為王時祥與司徒何曾司空荀凱並詣王覲曰相王
尊重今可相率而拜祥曰相國勢位誠尊貴然要是

魏之宰相吾等魏之三公公王相去一階而已班列大同安有天子三公可輕拜人者耶損魏朝之義虧晉王之德君子愛人以禮吾不為也及入荀凱遂拜祥獨長揖文王謂祥曰今日然後知君子見顧之重

晉太尉進賢三梁冠介幘絳朝服金章紫綬佩山

玄玉若郊廟冕服七旒玄衣纁裳七章 宋制武冠

山玄玉 齊制九旒 後魏初與大將軍不並置正

光之後亦皆置焉歷代唯後周無其餘皆有悉為三

公 增宋循歷代之制以太尉與司徒司空並為三

公政和時罷之復周制以太師太傅太保為三公少

師少傅少保為三孤以太尉本秦主兵官定為武階之首正一品在節度使之上建炎三年劉光世始以檢校太保除自後或以檢校三少或以節度使不帶檢校皆徑進太尉則進使相是為除授之序依兩府恩數遼南面置三師府又有三公府太尉司徒司空此皆南面朝官之長公師府俱有掌印官一人金三公太尉司徒司空各一員皆正一品論道經邦燮理陰陽元太宗即位始建三公其拜罷歲月皆不可考

至世祖之世其職常缺而僅置太保一員至成宗武宗
而後三公並建迨無虛位矣又有所謂大司徒大司空
太尉之屬或置或不置其置者或開府或不開府而東
宮嘗置三師三少蓋亦不恆有也 馬祖常上言曰司
徒司空皆古三公之流人臣名爵無如此極比者聖上
踐祚之初沙汰冗濫尤慎此官近歲屢有閑雜人等如
沈宗攝汪元昌之流亦受司徒司空之職竊恐天下後
世傳為口實非便也 元仁宗延祐五年監察御史上

言比年名爵濫冒已極太尉司徒國公接迹於朝昔奉

詔裁罷中外莫不忻悅近聞禮部奉旨鑄太尉司空司

徒等印共二十有九此輩無功於國家誠恐載在史冊

貽笑將來請自今以後凡閥閱貴重勲業昭著者存留

一二餘並革去制曰可 明太祖下江左因勝國之舊

為五等爵以贈勲臣其後有王公侯伯之典而罷子男

至公孤不以為贈亦并無太尉司徒等官 又按叙齊

職儀云太尉古官也

魚豢曰太尉掌武事古者兵獄官皆以尉為稱尉尉也言兵獄羅尉

也言兵獄
羅爵奸非

堯時舜為太尉舜時契為司徒禹為司空

古亦為三公之職其後常以太尉與大司馬迭置不兩

立有大司馬則不置
太尉歷代皆然

周以太師太傅太保為三公以

大司馬大司徒大司空與大司寇大冢宰大宗伯為六

卿至西漢末師傅保之官崇其號為上公以大司馬大

司徒大司空為三公後漢初省大司馬立太尉與司徒

司空為三公皆除
大字歷魏晉宋齊之後常然至後周又依

周禮以師傅保為三公五代史志云隋又以太尉司徒

司馬為三公歷代皆開府置官屬唐廢府寮

太尉二

原月令曰孟夏之月命太尉贊俊傑遂賢良舉長大
春秋合誠圖曰堯坐舟中與太尉舜臨觀鳳凰授圖

史記曰孝惠帝六年置太尉官 漢書百官表曰太尉

掌武事周勃灌嬰周亞夫等為之 又曰太尉古官也

自上安下曰尉故武官以為號 漢書曰呂后問高帝

曰陛下百歲之後蕭相國既死令誰代之上曰曹參可

其次曰王陵可然少慙陳平可以助之陳平智有餘然
難獨任周勃厚重少文然安劉氏者必勃也可令為太
尉 又曰王龔為太尉在位恭慎自非公事不通州郡
書記其所辟命皆海內長者 東觀漢記曰張輔字益
侯為太尉父尚在輔每遷轉乃一到洛父來適會正臘
公卿罷朝俱賀歲奉酒上輔父壽極歡莫不嘉其榮
又曰鄧彪字智伯為太尉在位清白公廉率下 謝承
後漢書曰京兆朱寵字仲威為太尉家貧食脫粟飯卧

布被朝廷賜錦被梁肉皆不敢當 又曰鄭宏字巨君

為臨江太守行春有兩白鹿隨車夾轂而行宏怪問主

簿黃國鹿為吉凶國拜賀曰聞三公車轡

一作圖

畫作鹿

明府當為宰相後宏果為太尉 又曰初第五倫為會

稽太守署鄭宏為督郵舉孝廉及宏為太尉而倫為司

空班次在下每正朔朝見宏曲躬自早上知其故遂置

雲母屏風分隔其間由此以為故事 增又曰劉寬為

太尉靈帝頗好學藝每引見寬令之講經寬嘗於坐被

酒睡伏帝問太尉醉耶寬仰對曰臣不敢醉但任重責
大憂心如醉 又曰張禹為太尉時連歲災荒府藏空
虛禹上疏求入三歲租稅以助都國廩假許之 又曰
楊震代劉愷為太尉帝舅大鴻臚耿寶薦中常侍李閔
兄於震震不從寶乃自往候震曰李常侍國家所重欲
令公辟其兄寶代傳上意耳震曰如朝廷欲令三府辟
公固宜有尚書敕遂拒不許寶大恨而去 原袁山松
漢書曰太尉劉虞讓位於羊續靈帝時為三公者皆輸

禮錢千萬續舉緼袍以示之曰臣之所有唯此而已遂
不代虞 華嶠後漢書曰安帝即位太尉徐防以災異
寇賊策免就國凡三公以災免始自防也 范曄後漢
書曰曹嵩靈帝時貨賂中官及輸西園錢一億萬故位
至太尉 增續漢書百官志曰太尉一人掌方岳事物
功課歲盡則奏其殿最而行賞罰世祖即位為大司馬
原應劭漢官儀曰章帝詔曰司空牟融典職六年勤
勞不怠其以融為太尉錄尚書事 又曰冲帝丁酉策

書太尉趙峻二世掌典機衡有匪石不貳之心大司農
李固公族之苗忠直不回有史魚之風今以峻為太傅
固為太尉與大將軍冀參錄尚書事 增又曰河間相

張衡說明帝以為司徒司空府已營欲更治太尉府
公南陽趙憙也西曹掾安眾鄭君素愛名節以為朝廷
新造北宮整飭宮寺今府本館陶公主第舍員職鮮少
自足相授憙表陳之即見聽許其冬帝幸辟雍歷二府
光觀莊麗而太尉府獨卑陋顯宗東顧歎息曰屠牛縱

酒勿令乞兒為宰 原幽明錄曰常山張顥為梁相天
新雨後有鳥如鵲飛翔稍下墜地民爭取即化為一圓
石顥椎破之得金印文曰忠孝侯印顥表上聞藏之秘
府顥漢靈帝時至太尉 齊職儀曰魏文帝黃初二年
日食有司奏免太尉賈詡詔曰天地之災害罪在朕躬
勿貶三公遂為永制 增魏志曰文帝踐祚鍾繇遷太
尉時華歆王朗並先世名臣帝罷朝謂左右曰此三公
者乃一代之偉人也後日殆難繼矣 吳志曰孫皓詔

曰范慎勲德俱茂朕所敬憑宜登上公以副衆望可為
太尉 晉中興書曰郝鑒為太尉雖在公位冲心愈約
勞謙日昃誦翫墳索自少及長身無擇行家本書生後
因喪亂解巾從戎非其本願常懷慨然咸康五年秋寢
疾上疏遜位優詔不許 又曰桓溫授侍中太尉固讓
不受旬月之中使者八至輶軒相望於道 謝靈運晉

書曰秦有太尉掌兵漢仍修之或置或省是故司馬之
官主九伐之職 五代史後唐書莊宗御文明殿冊齊

王張全義為守太尉如常儀禮畢全義於尚書都省領
事宰臣羣官在列諫議竇專不降階為御史所劾專援
引舊典以對時宰臣不記故事無能詰寢而不行

太尉三

原上司

亞獻

東觀漢記曰楊震字伯起為太尉性忠誠每陳諫諍中常侍樊豐等譖之叔印

綬歸本郡震到洛陽都亭謂門生曰吾蒙恩居上司奸臣狡猾而不能誅寵嬖傾亂而不能禁何面目以見日月遂飲鴆而死

下詳太尉一

統兵

掌武

並詳太尉一

化石

斷金

上詳太尉二應劭漢官儀曰三公國之楨幹朝廷取正以成斷金大司農李固忠正不撓其以固為太尉

兩鹿

三鱸

上詳太尉二 范曄後漢書曰楊震字伯起嘗客於湖外不答州郡禮命數十

年衆人謂之晚暮而震勵志愈篤後有鵲雀銜三鱸魚飛集諱堂前都諱取魚進曰凡鱸者卿大夫之服象也數三者法三台也先生自此升矣後位至太尉

畫鹿幡

飛鵲印

並詳太尉二

保皇家

安劉氏

摯虞隴西王泰為太尉冊曰惟君行為時表親則宗臣論道經邦保乂皇

家是用進登上台

主九伐

齊七政

上詳太尉二 汝南先賢傳曰

下詳太尉二

陳蕃拜太尉讓曰齊七政訓五兵臣不如議郎王暢

歎黃憲

舉蔡謨

謝承後漢書曰

陳蕃拜太尉臨朝嘆曰黃憲若在不先敢先佩印綬晉書郝鑒字道徽進祿太尉疾篤舉蔡謨自代

置

屏風

賜錦被

並詳太尉二

增六年

四世

上年融震東賜彪四

世為
太尉

太尉四

原冊太子授璽綬

漢百官表云太尉掌邦冊皇太子捧上其璽綬

辭年老賜

几杖

晉書曰劉寔拜太尉自陳年老固辭上不許賜几杖宅一區不朝

幽贊神明

古今

通典云興治隆化幽贊神明奉度順道使災不生者謂太尉也

綱維王室

魏志明帝寢疾劉放

孫資召太尉司馬宣王以綱維王室

臨朝蹇諤

謝承集云永平之初太尉鄭宏臨朝蹇諤日旰

忘食

立朝正色

口口為太尉非食惡衣弊車羸馬立朝正色不可干也

九州用

緩羣公咸治

見崔駰太尉箴

上清三元下寧九域

隴西王泰為太尉冊

曰惟君貴為世家親則宗臣其上清三元
下寧九域永欽洪範以康濟宇宙敬哉

華歆清素

寡欲

曹植輔臣論曰清素寡欲明敏特達志存太虛安
心元妙處平則以和養德遭變則以斷蹈義華太

尉歆之

郝鑒冲心愈約

詳太尉二

楊秉不惑酒色

張璠漢記

謂也

曰楊秉為太尉嘗曰我有三不

惑酒色財也時天下稱為名公

劉寔不治產業

王隱晉書

劉寔拜太尉不治產業居無第
宅祿賜皆給付親舊家無餘財

固讓不就

謝承後漢書曰鄭宏

為太尉固讓不就西曹掾
曰天子已白陵廟宜當拜

稱疾不退

魏志華歆拜太尉歆稱病乞退

讓位於管寧帝不許臨當大會乃遣散騎常侍繆襲奉
詔喻旨曰君其力疾就會以惠予一人將立席几筵命
百官總已以須君到朕然後御坐又
詔襲須歆必起乃還歆不得已乃起

病免賜俸終身

東觀漢記曰鄧彪為太尉在位清白為百寮式視事以疾乞骸骨賜策罷贈錢三十萬在所以二千石俸終其身

身 告老以侯就第

千寶晉紀曰劉寔為太尉告老詔以侯就第居三司之上國之大政

將詔於宅室也

以日蝕免

東觀漢記曰太尉張輔鄭宏徐防趙憲並以日蝕免

以流

星免

後漢太尉皇甫嵩以流星策免案續漢書曰以日有重珥免

漢寵元勲任先

周勃

晉尊碩德選在王祥

張禹在位三世忠孝彌

篤 年融典職六年勤勞不息

太尉五

原詩晉傅咸贈太尉司馬虞顯機詩曰帝崇元淑妙選

其屬命子是佐增袞之縟

原箴後漢崔駰太尉箴曰天官冢宰庶寮之率師錫有
帝命虞作尉爰叶台極爰平國域制軍詰禁王旅惟式
九州是綏羣公咸治干戈載戢宿躔其紀上之云據下
之云戴苟非其人戮我帝載昔周人思文公而召南詠
甘棠昆吾崇夏伊摯嘉商季葉頗僻禮用不匡無曰我
強莫余敢喪無曰我大輕戰好殺紂師百萬卒以不艾
宰臣司馬敢告在際

原贊後漢蔡邕太尉陳公贊曰公在百里有西產之惠
賜命方伯分陝餘慶餘慶伊何兆民其觀少者是懷老
者是安綱紀文王文王用平東督京輦京輦用清乃登
三事三事攸寧契稷之佐具于堯庭今則由古於穆誕
成

原碑後漢蔡邕楊太尉碑銘曰於戲公惟岳靈天挺德
翼赤精神氤氲仁哲生應台任作邦楨帝欽亮訪典刑
道不忒迄有成光遐邇穆其清 又楊太尉碑銘曰天

鑒有漢挺生光輔世作三事勲在王府乃及伊公克光
前矩悉心畢力脣其相武化洽羣生澤霑區宇 又太
尉李咸碑銘曰天垂三台地應五岳降生我公應鼎之
足奕世載德名昭圖錄既文且武桓桓紹續外則折衝
內則大麓 又太尉橋元碑曰岐嶷而超等總角而逸
羣至矣乎初紳高明卓異為衆傑之雄其性莊疾華尚
樸百折而不撓拔賢如逝流討惡如霆擊至德在已揚
之由人苟不矯迹夫何舍焉 後漢桓麟太尉劉寬碑

曰公誕受純和之氣體有樂道寧儉之性疾雕飾尚樸
素輕榮利重謙讓力與同好鐫墳典於茅廬是以根經
緯綜精微誨童冠而不倦遷南陽大守推貞諒以示下
顯衆善以厲否則隱之誠通於神人故去鞭朴如獲其
情弗用刑如弭其姦 晉孫綽太尉庾亮碑曰次黃中
以啓曹鍾遐武於軒轅爰及晉代世號多士公吸峻極
之秀氣誕命世之深量微言散于秋毫玄風暢乎德音
闕門者貴其凝峙入室者議其通玄標形者得之廊廟

悟旨者期諸濠川提挈南翔息有靈越會大君有命納
妃德門自求多福辭不獲已鳳羽籠于華樊麟趾繫于
椒房王敦阻兵翫權志窺神器乃轉公左衛將軍要雄
戟以扶華轂勒武旅以翼豹尾死難之心義形于色親
受中詔奔告方伯於是羣后契盟同稟高謀巖栖懷德
以響赴義拯神器於獸吻扶帝座於已傾王室之不壞
翳伯舅是賴公以為戰伐之謀仁所恥聞况立德宏道
年幾不惑闔門沈舟將遠迹山海詔累遣侍中黃門逼

以嚴制知不獲免乃固求外任江外無烽燧之警宇內
歸穆然之美銘曰金德時昏乾綱絕紀素靈南映中宗
蔚起誰其贊之數鍾伊公達人忘懷形隨運通再潛再
躍婉若游龍 梁沈約齊太尉王儉碑銘曰瞻旦奭而
齊軫軼夔龍而長驚百辟翹首譬列星之仰望舒千里
結轍若派流之宗江漢及宋道盛運鼎命將改而瞻烏
所集未知適歸公高卧閒宇獨啗虛室眷龍顏以托夢
詠日角以興言佇傳嚴之下懷滋水之上慨深版蕩念

在濡足霸君亦慮屬一匡情降三顧卜匪熊羆唯人是
與公深覩興廢妙識人英察榮光於河渚攀龍翼於雲
漢傾方寸以奉國忘七尺以事君殊文共會異軫同歸
堆案盈几充庭滿室隨方引應斷決如流辭不輟響紙
無停筆精明外朗神彩旁映矚矚接其光景風雲溢乎
帷席囂喧總至大薄相填齊鑣共軫並而不雜銘曰悵
公赫矣世載經綸四彼三傑六茲五臣德參世命道亞
如仁屣步金門濯纓蘭疇激水上征培風鬱起陳沈

烱太尉始興昭烈王碑曰古者帝王之興莫不崇建親
屏泰伯讓而退封武哀終而受號則有之矣至若勒功
鼎鼎銘德太常清廟尊乎國家揚名顯乎子弟在昭烈
王見之焉若夫媯水遙源石罅遐集五絲作而詠南風
八世興而和鳴鳳藉帝王之基居正卿之族有由來矣
孔融汝穎之論許其少多傳暢諸公之書頗有賢哲自
漢至魏涉江而東綿邈蟬聯言之耆舊皇上革命應運
大啓邦國麟趾盤石之宗固立金楨玉幹之戚畢封文

叔掩被之悲無泯仲謀援鞍之慟逾切乃封始興郡王
永定元年下詔曰天倫所感義本因心名器追崇則惟
恒典亡兄梁故南充州刺史長城縣公德範沈邃風度
寬厚性與天通深乎靡測昔彈冠入仕譽重城華宣力
艱難遂顧洪業雖時非季漢勢異桓王海內挹其風流
生民懷其大德者矣朕受天明命爰膺寶曆言尋永往
興慕增懷可奉贈太尉公昔之密戚近親宗英令德若
河間之不羣沛獻之受象東平之樂善陳思之蓀麗實

聞之也未有身死忠貞名存前代若王之義烈者銘曰
稽古帝舜重瞳有裔曰陳祚土纂虞之系騰波汝潁承
流媯汭四岳有後六奇獻計惟實惟忠卿長羣公浮舟
震澤佳氣蔥蔥岐周七十商毫百里婉婉中陽帝出攸
止太常景王季孫讓子天下不踐聞之惇史入孝出忠
清輝何已苞指周歲風流懿德言為世範行成士則名
山可鐫豐碑易勒惜哉往矣殞身凶慝鼎命既遷山河
是始光啓代郡德表永祀周以別功魯侯戾止禮茂廟

堂恩加松杞 增張說贈太尉裴行儉神道碑曰星辰

元象所以殷時布氣然而行不言之道者天也文武用
才所以勤官定國然而收無為之理者帝也當高宗之
休運任名世之良臣清九流而闢四海代天工而張帝
德歷選前哲豈多乎哉公諱行儉字守約河東聞喜人
其先出于嬴姓伯益之後也秦則裴侯始封漢則侍中
授職魏晉之代鬱為盛門八裴方於八王聲振海內三
子尊為三祖望高士族自冀州刺史徽至公十二代中

軍將軍雙虎至公六葉代無遺德不損厥問者已大王
父伯鳳周驃騎大將軍光汾二州刺史琅邪郡開國公
大父定高大將軍馮翊郡守襲琅邪郡公諸侯受封山
河傳國天子共理循良克家考仁基隋左光祿大夫以
陰圖世充仗義拔舊主遭時不利玉折名揚聖唐龍興
旌激勵節贈原州都督謚命曰忠蓋春秋之褒也公清
明本乎世德正性出乎胎教氣潤河靈貌雄岳立仁孝
之道天生而知將相之器與年俱長以高蔭為宏文生

絕事篤學累年不舉房僕射異而問焉對曰隋室喪亂
家亡典籍館有良書探討未徧故少留耳梁公驚曰驥
子志氣凌雲一日千里其早為通人之目也如是明經
補左屯衛倉曹詔舉轉雍州司士選金部戶部二員外
厯都官郎中長安令明慶中與長孫太尉褚河南論及
中宮廢立國家憂患有公伯寮譖行於季氏出為西州
長史又改金山副都護又拜安西大都護西域從政七
八年間窮荒舉落重譯向化我之獨賢邊之多幸乾封

歲徵為同文少卿尋除司列少常伯官復舊號為吏部
侍郎加銀青光祿大夫自居銓管大設綱綜辨識差才
審官序爵法著新格言成故事上元中長星出天禿髮
入塞詔公為洮州道左軍總管又為秦州鎮撫右軍總
管並受元帥周王節度雖祭公有諫耀武之事不行而
方叔陳師來威之道備矣儀鳳二年十姓生可汗匐延
都支為李遮匐潛構犬戎俶擾西域朝廷憑怒將行天
討公進議曰敬元敗績於茅戎審禮免胄而入狄豈可

絕域更勤王師今波斯王亡侍子在此若命使冊立則
路由二蕃便宜取之是成擒也高宗善其計詔公以名
冊送波斯兼安撫大使公往蒞遺愛洽於人心是行也
百城故老望塵而雅拜四鎮酋渠連營而認酒一言名
募萬騎雲集公乃解嚴以反謀託獵以訓旅誤之多方
間其無備累糧十日執都支於帳前破竹一呼鉗遮匐
於麾下華戎相慶立碑碎葉蓋義克雋不殺而是講要
人以德而去害審廓氛侵於地表燁皇靈於天外充國

有屯田之頌寶憲有燕山之銘訂茲遠略彼何微也遷
禮部尚書加上柱國又特降恩命兼右衛大將軍夷典
秩宗神必據我文昌有將天道存焉調露中單于可汗
伏念外判大鴻臚蕭嗣業喪律詔公為定襄道大總管
軍至朔州斥堠相接匈奴故態狂刼糧以餒師神將出
奇張虛勢以陷敵偽為轉運伏其壯士示羸師以緩行
隱精騎以躡迹寇果大下援兵奔散驕虜益驚自為得
色驅此車牛憩彼井泉於是箱中兵起千弩齊發要路

騎飛一息而至羣胡顛沛殺傷滿野從此饋運路無驚
者觀夫大漠無倪穹廬靡所追之逖逖捨之憑陵費日
老師兵家所病公潜使緩頰均其利心深圖既入狼意
亦改及委罪衙官陰送降款公密上其事人莫之知及
如所期舉國歸附煙塵大起師徒惶惑公徐使令軍曰
此是伏念執溫傳來降非他寇也俄而啣壁轅門釋縛
納款帝嘉厥勲命尚書崔知悌乘馬勞軍備禮獻凱冊
勲之日程務挺張虔勗者行軍之偏將也訴言子勞逼

逐方降大軍又屬東鈞忌才上下其手公曰雖不逮羣
師之讓功猶恥與二王之競力今而殺降後無來者乃
封公聞喜縣開國公而伏念溫傳皆戮都市是年也伏
念弟元珍擁其餘種復叛則天稱制追正宿枉贈伏念
太僕卿程張諸家別故夷族君子以為神理之不可誣
也永淳元年詔公為金牙道大總管未行遘疾四月二
十八日薨於京師延壽里春秋六十有四銘曰天生亞
聖祚此王國文綜九流武參七德柔遠服叛窮西盡北

赫我皇靈去其蝥賊仁則不遠智何不周如山之峻如
川之流術與神合藝將道遊書來懸帳賦出登樓司馬
軍陣官人綱紀帝加常伯國于閭喜室有令妻家成克
子社金傳世桓圭守祀神道上台永介邦祉

大司馬一

原大司馬古官也掌武事

司主也
馬武也

少皞有鴈鳩氏為

司馬

鴈音
睢

堯時棄為后稷兼掌司馬

周時司馬為

夏官掌邦政

項羽以曹無咎周殷並為大司馬

楚大
司馬

景舍帥軍伐蔡蔡侯奉社稷而歸之楚發其賞舍辭曰
發誠布令而敵退是王威也相攻而敵退是將威也戰
而敵退是衆威也臣不宜以衆威受賞又司馬穰苴
本姓田齊威王以古司馬法而附穰苴因號為司馬穰
苴

漢初不置武帝元狩四年初罷太尉置大司馬以

冠將軍之號

冠者加於其上為一官也霍光以大司馬大將軍輔政武帝又令大將軍驃騎將軍

皆有大司馬之號

宣帝地節三年置大司馬不冠將軍亦無

印綬官屬

霍禹為大司馬冠小冠無印綬

成帝綏和元年初賜大司

馬金印紫綬置官屬祿比丞相去將軍哀帝建平二年

復去大司馬印綬官屬冠軍如故元壽二年復賜大司

馬印綬置官屬去將軍位在司徒上

漢律丞相大司馬大將軍月俸錢六

萬始置大司馬議者以漢有軍候千人司馬官故加大

王莽居攝以漢乃無少司徒而定司馬司空之號並加

大後漢光武建武二十七年省大司馬以太尉代之

故常與太尉迭置不並列

吳漢為大司馬封舞陽侯

至靈帝末始置

焉魏文帝黃初二年復置大司馬以曹仁居之而太

尉如故則太尉大司馬大將軍各自為官位在三司上

吳有左右大司馬

晉定令亦在三司上

晉諸公贊曰義陽王為太尉大司馬時父

子為太宰父子居上公中代以來未之有也

又汝南王亮為大司馬正旦大會乘車上殿武冠絳

朝服金章紫綬佩山玄玉與大將軍同宋時唯元嘉

中用彭城王義康為之冠玉與晉同齊以為贈梁

時置官屬陳以為贈後魏北齊與大將軍為二大

位居三師之下三公之上後周以為夏官謂之大司

馬卿掌邦政以建邦國之九法佐皇帝平邦自隋而無

國大祭祀掌其宿衛廟社則奉羊牲

大司馬二

原韋昭辨釋名曰大司馬司馬武也大總武事也大司

馬掌軍古者兵車一車四馬故以馬名官訓馬為武者
取其速行也 白虎通曰司馬主兵不言兵而言馬者
陽物乾之所為行兵用馬不以傷害為文故言馬也

尚書周官曰司馬掌邦政統六師平邦國

孔傳云夏官
卿也主戎馬

之事掌征伐統正六
軍治邦國四方之亂

又曰大司馬之職掌以九伐之

法

詳書
欽

毛詩曰祈父予王之爪牙

毛萇云祈父司馬
職掌封畿之兵甲

鄭注祈父時人以其職號呼之故曰祈父我乃王爪牙
之士當為王閑守為衛也尚書作圻父酒誥圻父薄違

增家語曰賢能而失官爵功勞而失賞士卒疾怨兵

弱不用曰不平不平則飭司馬飭謂整攝也 原尚書

大傳曰蠻夷猾夏寇賊姦宄則責之司馬 增韓詩外

傳曰陰陽不和四時不節星辰失度災變非常則責之

司馬 原管子曰涼風至白露下天子命左右司馬全

組甲勵士衆 春秋運斗樞曰黃帝坐玄漚與大司馬

容光臨觀鳳銜圖置黃帝前 增尚書中候曰稷為大

司馬舜為太尉 原齊職官儀曰大司馬品第一秩二

千石其在少昊則睢鳩氏之任顓頊以司馬主火堯命

羲叔為司馬夏官也虞夏二代以司馬夏官棄居其職
增博物志曰太公望為灌壇令文王夢見婦人當道
哭問其故曰吾泰山之神女也嫁為西海婦灌壇令當
吾道不得作風雨夢覺召太公是日果疾風暴雨文王
乃拜太公為大司馬後成王以畢公高為司馬 齊職
官儀曰楚漢之際曹無咎周殷始居其職 漢書曰董
賢為大司馬是時賢年二十二雖為三公常給事中領
尚書百官因賢奏事單于來朝宴見羣臣在前單于怪

賢年少以問譯上令報曰大司馬年少以大賢居位單
于乃起拜賀帝得賢臣 又曰孝元王皇后成帝母也
家凡十侯五大司馬外戚莫盛焉 原漢書百官表曰

成帝綏和元年敕賜大司馬金印紫綬有長史秩千石
增漢官序曰三司之職司馬主兵漢承秦曰太尉武
帝改曰大司馬無印綬官兼加而已世祖改曰太尉
東觀漢記曰更始欲以近親巡行河北大司徒賜言上
第一可用更始以上為大司馬遣之河北 原東觀漢

記識曰孫咸征狄今以平狄將軍孫咸行大司馬事咸
以武名官以應圖識 增後漢書曰世祖北擊羣賊吳
漢將突騎五千為軍前鋒數先登陷陣及河北平漢與
諸將奉圖書上尊號世祖即位拜漢為大司馬 又曰
上疾瘳召見陰興欲以代吳漢為大司馬興叩頭流淚
固讓曰臣不敢惜身誠恐虧損聖德不可苟冒至誠發
中感動左右帝遂聽之 班彪奏事曰元狩六年罷太
尉置司馬議以北軍中有千人司馬故加之大司馬以

別大小司馬之號也 原王隱晉書曰石苞太始之初

拜大司馬舊參軍於都督無敬故孫楚抗衡於苞苞以

楚傲更相表陳參軍有敬自楚始也 增又曰齊王冏

之盛也有一婦人詣大司馬府求寄產更詰之婦人曰

我截臍便去耳識者聞而惡之 又曰陳騫咸寧初轉

大司馬騫因入朝言於帝曰胡列臺宏皆勇而無謀強

於自用非綏邊之才將為國恥願陛下詳之時宏為揚

州刺史不承順騫命帝以為不協相搆於是徵宏既至

復以為涼州刺史騫竊歎息以為必敗二人後果失羗
戎之和皆被寇喪沒征討連歲僅能得定帝乃悔之

原晉中興書曰王猛少貧鬻畚為事嘗至洛陽貨畚有
人於市貴買其畚云家近在此可隨我取直隨去忽至
深山此人曰且住當先啓道君須更猛進見一公踞胡
牀頭白將從十許人有一人引猛云大司馬公可進猛
因拜老公公曰王公何緣拜即十倍售畚直發人送猛
出山既出顧視乃嵩高山也 晉公卿禮秩曰大司馬

古兵官也魏氏大司馬大將軍各自為官在三司上晉

以石苞為大司馬次三司下 增晉太始官名曰大司

馬石苞開爽通悟秉意不羣 原晉百官表注曰司馬

武官也周禮云掌邦政者所以平諸侯正天下也 增

後魏書曰安定王休領大司馬高祖親行諸軍遇休以

盜三人徇於六軍斬之有詔赦之休執曰陛下將遠清

衡霍故親御六軍跋涉野次軍行伊始已有奸竊如其

不斬何以息盜詔曰大司馬執憲誠宜如是但緣朕王

者之體亦時有非常之澤雖違軍法可特原之休乃奉
詔高祖謂司徒誕曰大司馬嚴而秉法君不可不慎於
是六軍肅然後周書曰夏官謂之大司馬也

大司馬三

原睢鳩

司武

傳曰少昊氏以鳥名官睢鳩氏司馬也
注云王睢也摯而有別故命為司馬以

主法制
宋司馬名

正百官

均萬民

周禮司馬掌邦典政以
平邦國以正百官以均

萬民

平尚書事

冠將軍號

漢官解詁云司馬中外以
親寵平尚書事宰尹樞機

勉用八政播時百穀
者也下詳前一

以整武事

入毗皇家

物理論
云高祖

定天下立大司馬以整武事

曹植輔臣論云文武並

亮權智時發奢不過制儉不損禮入毗皇家帝之股肱

出作侯伯實撫東夏者曹大

白魚入舟 鳳凰銜圖

司馬也按大司馬曹仁也

侯謹歌詩云周公為司馬白

位極人臣 威震海內

魚入王舟 下詳大司馬二

晉書曰陳騫為太尉加黃鉞為大司馬位極人臣 漢

書曰霍光為大司馬大將軍政事一出于光威震海內

訖十三年百姓充

增陰興讓官

王莽貶闕

上詳大司馬二

實四海賓服也

齊職官儀曰大司馬府舊為

單于拜賀 貢育弗

闕至王莽篡位故貶去闕焉

加上詳大司馬二 傳子曰曹大司馬

之勇雖賁育弗以加也曹即曹仁也

左右 大小

吳志曰赤烏九年秋九月以車騎朱然為左大司

馬衛將軍金琮為右大司馬 下詳班彪奏事

大司馬四

增穰苴 桓溫

並為司馬

原司馬成聖

家語注云聖通也征伐所以通天下

成聖者聖功於是成也

司馬主天

韓詩外傳云三公司馬主天司空主土司徒主人

施邦國之政

周禮大司馬云乃以九畿之籍施邦國之政職方千里曰國畿其外方五百里曰侯

畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又

其外方五百里曰蠻畿又其外方五百里曰夷畿又其外方五百里曰鎮畿又其外方五百里曰蕃畿又

教治兵之法

環濟要畧云夏官司馬教四時軍旅治兵之法

中春教振旅

周禮

大司馬職云中春教振旅司馬以旗致民平列陳如戰之陳鄭注以旗者立其民于旗下也兵者守國之備凡

師出曰治兵入曰振旅皆習戰也四時各教民以
其一焉春習振旅兵入收衆專於農平猶正也

中

冬教大閱

又云中冬教大閱鄭注春辨鼓鐸夏辨號名秋辨旗物至冬大閱簡軍實

掌九

法平邦國

周禮大司馬職云掌建邦國之九法以佐王平邦國制畿封國以正邦國設儀辨位以等

邦國進賢興功以作邦國建牧立監以維邦國制軍詰禁以糾邦國施貢分職以任邦國簡稽鄉民以用邦國

均守平則以安邦國比小事大以和邦國鄭注云興猶舉也作起也起其勸善樂業之心使不惰廢也簡謂比

數之稽猶計也

以九伐正邦國

又曰大司馬掌以九伐之法正邦國馮弱犯寡則眚之賊

賢害民則伐之暴內陵外則壇之野荒民散則削之負固不服則侵之賊殺其親則正之放弑其君則殘之犯

令陵政則杜之外內亂鳥獸行則滅之

違命則征

害民則伐

略云夏環濟要

官司馬職若有違命則
征之暴賢害民則伐之

安世懼不敢當

漢書張安世傳云霍光薨

魏相上封事言張安世上欲用之安世懼不敢當上曰
君而不可尚誰可者數日拜大司馬車騎將軍安世尊

為諸侯身衣弋絳
夫人自紡績也

景舍辭不受賞

詳前一

吳漢在朝

唯公

績漢書吳漢傳曰上即位漢為大司馬海內無事乃得安然其性忠厚篤於事上華嶠漢書云漢在

朝廷
唯公

張奮名為清白

華嶠漢書云張奮為大司馬在位名為清白

穰苴

文能附眾

史記晏子薦穰苴曰文能附眾武能敵國乃為大司馬立大功

子孟可屬

社稷

漢書霍光傳云上年老寵姬鉤弋趙婕妤有男上心欲以為嗣命大臣輔之察羣臣唯光任大重可

屬社稷上乃使黃門畫者畫周公輔成王朝諸侯
以賜光後上病薦以光為大司馬大將軍輔少主

石

苞加鼓吹之樂

晉書石苞為大司馬進封樂陵郡公加侍中羽葆鼓吹之樂

陳騫

賜袞冕之服

晉書陳騫為大司馬致仕賜騫袞冕之服

周任元勲寵崇呂

尚 漢推大節選在霍光

當歸馬之朝雖云無事然

睢鳩之職用備不虞

大司馬五

原諫後漢杜篤大司馬吳漢諫曰篤以為堯隆稷契舜

嘉臯陶伊尹佐殷呂尚翼周若此五臣功無與疇今漢

吳公追而六之乃作諫曰朝失鯁臣國喪爪牙天子愍

悼中宮咨嗟四方殘暴公不茲征征茲海內公其攸平
泯泯羣黎賴公以寧勲業既崇持盈守虛功成即退挹
而損諸死而不朽名勒丹書功著金石與日月俱 魏
曹植大司馬曹休誄曰於穆公侯魏之宗室明德繼踵
奕世純粹闡弘汎愛仁以接物藝以為華體茲亮實年
沒弱冠志在英雄高揖名師發言有章東夏翕然稱曰
龍光貧而無怨恐以為難嗟我公侯屢空是安不耽世
祿親悅為歡好彼蓬樞甘此瓢簞味道忘憂踰憲超顏

矯矯公侯不撓其厄呵叱三軍躬奮雄戟足蹴白刃手
接飛鏑終弭淮南保我疆場 晉陸機吳大司馬陸抗

誄曰我公承軌高風肅邁明德繼體徽音奕世昭德昭
德伊何克俊克仁德周能事體合機神禮交徒候敬睦
白屋蹢躅曲躬吐食揮沐爰及鰥寡賑此惇獨孚厥惠
心脫驂分祿乃命我公誕作元輔位表百辟名茂羣后
因是荆人造我寧宇備物典策玉冠及斧龍旂飛藻靈
鼓樹羽質文殊塗百行異轍人玩其華鮮識其實於穆

我公因心則哲經綸至道終始自結德與行滿英與言溢

原章梁簡文帝為南平王拜大司馬章曰臣度連宸夢
地實璿附王業權輿夙奉締構爰頒虛綰同贊密謀豫
均鄧禹俱奉明詔故搏飛九萬實假扶搖之力冲天百
尺無俟剗剗之勞

欽定四庫全書

御定淵鑑類函
卷六十六

三十九

御定淵鑑類函卷六十六

欽定四庫全書

御定淵鑑類函卷六十七

設官部七

大司徒
大司寇

大司空

大司徒一

原少皞祝鳩氏為司徒

司主也
徒眾也

堯時舜為司徒 舜

攝帝位命禹為司徒

禹元孫之子曰微亦為夏司徒

周時司徒為地官掌邦教

秦置丞相省司徒 漢

初因之至哀帝元壽二年罷丞相置大司徒 後漢大

司徒主徒眾教以禮義凡國有大疑大事與太尉同蔡質

漢儀曰司徒府與蒼龍閣對厭于尊者不敢號府應劭曰此不然丞相舊位在長安時有四出門隨時聽事明

帝東京本欲仍之迫于太尉司空但為東西門耳每國有大議天子車駕親幸其殿建武二十七

年去大為司徒公鄧禹為大司徒封侯時年二十四崔烈拜司徒靈帝亦臨軒時人謂之銅

臭建安末為相國 魏黃初元年改為司徒 晉司徒

與丞相通職更置迭廢未嘗並立至永嘉元年始兩置

焉王衍為司徒東海王越為丞相始兩置焉 宋制司徒金章紫綬進賢三

梁冠佩山玄玉掌治民事郊祀則省牲視滌濯大喪安

梓宮凡四方功課歲盡則奏其殿最而行賞罰亦與丞相並置 齊司徒之府領天下州郡名數戶口簿籍梁罷丞相置司徒歷代皆有 後周以司徒為地官謂之大司徒卿掌邦教職如周禮 隨及唐復為三公增宋仍舊制政和二年罷

詳見
總序

遼金元詳太尉 明

無是官

大司徒二

原尚書曰百姓不親五品不遜汝作司徒敬敷五教在

寬

注曰五常之教務在寬也

又曰司徒掌邦教敷五典擾兆民

注曰

敷布也主國教化布五常之教以安和天下之衆民也

周官曰大司徒以土圭

之法測土深日至之景尺有五寸謂之地中天地之

所合四時之所交也風雨之所會陰陽之所和也然則

百物阜安乃建王國焉禮記曰司徒修六禮以節民

性明七教以興民德齊八政以防淫一道德以同俗養

老以致孝增又月令曰孟夏之月司徒行縣鄙韓

詩外傳曰君臣不正人道不和國多盜賊人怨其上則

責之司徒 蔡邕月令章句曰司徒教官也 原管子

曰昔者黃帝得祝融辨南方故使為司徒 典略曰契
為司徒百姓和親夔主賓客遠人畢至 增符子曰魯
侯欲以孔子為司徒將召三桓而議之乃謂左邱明曰
寡人欲以孔子為司徒而授以魯政焉寡人將欲詢諸
三子邱明曰昔周人有愛裘而好珍饈欲為千金之裘
而與狐謀其皮欲具少牢之珍而與羊謀其饈言未卒
狐相率逃於重邱之下羊相呼藏於深林之中故周人

十年不製一裘五年不具一牢何者周人之謀失之矣
今君欲以孔子為司徒召三桓而議之亦與狐謀裘與
羊謀饒奚異哉於是魯侯遂不與三子謀而召孔子為
司徒 原毛詩序曰緇衣義鄭武公也父子為周司徒
善於其職國人宜之故美其德以明有國善善之功

增漢書曰王良字仲子東海人為大司徒鮑恢為長史
以事至東海過其家見良妻布衣徒跣曳柴從田中歸
恢告曰我司徒長史也故來授書欲見夫人妻曰妾是

也若掾耶恢下拜之嘆息而去 原華嶠漢書曰魯恭

拜司徒數有忠言陳正得失恭在位選辟高第至列卿

郡守數十人 增東觀漢記曰鄧禹為司徒討赤眉不

以時進光武書曰司徒堯也赤眉桀也今長安飢民孰

不延望 原又曰袁安為司徒每朝會憂念王室未嘗

不流涕 又曰郭丹為司徒在朝名清廉公正 續漢

書曰司徒公一人掌治民事凡教民孝弟遜順謹儉養

生送死事則議其制建其度 謝承後漢書曰劉寵為

司徒卧廳布被 增又曰范遷為司徒有宅數畝田不

過一頃復推與兄子其妻常謂曰君有四子而無立錫之地 又曰張湛稱疾不朝後大司徒戴涉坐所舉人

盜金下獄帝強起湛以代之湛至朝堂遺失漉便因自陳疾篤不能復任朝事遂罷之 又曰馮勤遷司徒先

是三公多見罪退帝賢勤欲令以善自終因讌見從容誠之曰朱浮上不忠于君下陵鑠同列竟以中傷至今死生吉凶尚未可知豈不惜哉人臣放逐受誅雖復追

嘉賞賜賻祭不足償不訾之身忠臣孝子覽照前代以
為鑑誠能盡忠於國事君無二則爵賞光乎當代功名
列於不朽可不勉哉勤愈恭約盡忠號稱任職 又曰
鮑昱代王敏為司徒賜錢帛什器帷帳 原蔡邕鐘鼎
銘序曰惟建寧四年三月進公登於玉堂前庭乃制詔
曰其以司空橋元為司徒公拜稽首三讓然後受命
齊職儀曰司徒古官也品秩冠服同丞相郊廟服冕同
太尉漢哀帝後朱博議始置三司改丞相為大司徒以

孔光為之 增漢官典職曰司徒本丞相官哀帝改為

大司徒 原九州春秋曰靈帝賣官崔烈入錢五百萬

以買司徒

詳三公

增魏志曰華歆字子魚拜司徒素貧

祿賜以賑施親戚故人家無儋石之儲公卿嘗並賜沒

入婦女惟歆出而嫁之帝嘆息 又曰黃初元年改相

國為司徒御史大夫為司空奉常為太常郎中令為光

祿勲 魏名臣奏曰黃門杜恕奏云漢故事人民疾病

責之司徒 蜀志曰許靖字文休及先主即尊號策靖

曰朕獲奉鴻業君臨萬民夙宵惶惶不能自綏百姓不親五品不遜汝作司徒敬敷五教在寬君其勗哉靖雖年踰七十愛樂人物納誘後進清談不僂丞相諸葛亮皆為之拜 原吳錄曰丁固為司徒初為尚書夢松生腹謂人曰松字十八公後十八年吾其公乎遂如夢

王隱晉書曰魏舒為司徒年過致仕有謙謙意而無居宅乃漸以俸秩餘為第一所未嘗語親踈當遜位九年正月朝會罷還家奉送章綬內外莫有知舒此情者

又曰武帝以山濤為司徒頻讓不許濤出逕歸家左

丞白懷奏濤違詔詔杖懷五十 增又曰王渾字元冲

遷司徒仍兼兵渾以司徒文官主吏不得持兵乃吏屬

絳衣自以為非是舊典皆令皂服論者美其讓而識體

原又曰王戎字濬冲代王渾為司徒高選長史西曹

掾委任責成常得無為形狀短陋而目明徹威儀不足

常乘馬輦無日不出以象牙籌晝夜算計家財遠及田

牧性又儉不能善自奉養飲食通財不外出天下之人

謂之膏肓之病 增又曰王戎再至司徒委事掾屬乘

小馬從便門出見者不知是台司也 又曰石苞為司

徒奏州郡農桑未有賞罰之制宜遣官屬循行皆當均

其土宜舉其殿最然後黜陟焉詔曰農殖者為政之本

有國之大務也雖欲安民興化不先富而教之其道無

由而至今四海多事軍國費廣當亟征役之後屬有水

旱之患倉庫不充百姓無積稼穡樹藝司徒掌之今雖

論道經邦然國家立政惟時所急故陶唐之世稷官為

重今登司徒位當其任有毀家紓國蹇蹇匪躬之意其使司徒督察州郡播殖其增置掾屬十人聽取主官練事業者苞在位稱為忠勤帝每委任焉 又曰何劭曾之子也永康初遷司徒趙王倫篡位及三王交爭劭以元老而遊其間無怨之者 原晉中興書曰劉隗從兄疇字王喬少有重名司空蔡謨每嘆曰若使劉王喬得南渡司徒公之美選也 又曰陳壽為司徒仰理萬機俯澄邦教 又曰蔡謨字道明讓司徒穆帝臨軒自平

旦至日中使者十餘反而謨不至穆帝時年八歲甚倦

問左右曰所召何以至今不來臨軒何時當竟皇太后

詔曰必不來者宜罷朝中軍殷浩奏曰免吏部尚書江

彪官於是公卿奏送謨廷尉以正刑書謨懼率子弟素

服詣闕到廷尉待罪詔可依舊制免為庶人

又曰蔡謨遷司徒謨

固讓曰若我為司徒為後世哂義不敢拜詔數十下謨

章表十餘上陳以疾篤帝臨軒自旦至中而徵不至公

卿以蔡公傲
無人臣禮

江氏家傳曰江統字應元時太傅從事

中郎庾子嵩以風韻見重亦並雅敬君德庾中郎每云

當今可以居司徒充民望者江生其人也 增隨書曰
王誼為大司徒蘇威立議以為戶口滋多民田不贍欲
減功臣之地以給民誼奏曰百官歷世勲賢方蒙爵土
一旦削之未見其可臣所慮者朝臣功德不進何患民
田有不足耶上然之竟寢威議 唐書曰太和四年司
徒裴度上表辭冊命言臣此官已三度受冊有覲顏目
從之

大司徒三

原邦教

地征

周禮大司徒之職乃立地官司徒使帥其屬而掌邦教以佐王安擾邦國鄭注

所以親百姓訓五品也擾亦安也又曰以土均之法辨五物九等制天下之地征鄭注均平也五物五土所

生之物也九等駢剛赤緹墳壤渴澤鹹澇勃壤埴埴強隰輕與之屬征稅也

五禮

六樂

周禮大司徒之職以五禮防萬民之偽而教之中鄭注禮所以節正人之侈偽使得其中又曰以六樂防萬民之情而教之和注曰樂以

度地

辨土

周禮大司徒之職凡

建邦國以土圭土其地而制其域注曰土其地猶言度其地又曰以土宜之法辨十有二土之名物注曰十

有二土分野十有二邦也

七政

五教

常璩華陽國志曰自建武

上繫十二次各有所宜

之後羣儒修業開案圖緯漢之宰相當出坤鄉於是司徒李公屢登七政太傅于堅奕代論道下詳在大司

徒一尚書

夢松

取穗

上詳大司徒二吳志書曰蔡茂字子禮建武二十年代

范曄後漢

戴涉為司徒在職清儉匪懈茂初在廣漢夢在大殿之極上有三穗禾茂跳取之得其中穗輒復失之主簿郭賀離席慶曰大殿者官府之形象也極而有禾人臣之上祿也取其中穗中台之位於字失禾為秩雖曰失之乃以得祿秩也衮職有關君其補之旬日而茂徵焉辟賀為掾

地官

農父

周禮曰乃立地

官大司徒之職掌建邦之土地之圖與其民人之數佐王安擾邦國

周書曰農父若保農父教官司徒也主

農謂之父者尊之也言農父能順保萬民也

芮伯

君牙

尚書曰成王以芮伯為司徒

又曰成王命君牙作司徒

樂劒

冤服

晉王導受遺詔輔幼主加羽葆鼓吹及班劒安帝

詔侍中太常領司徒可衮冤服絲紱羽葆鼓吹也

乘小車

卧布被

晉王戎再領司

徒委事掾屬時乘小車而以手版插腰從便門出

增

登堂落水

上詳大司徒二蔡邕鐘鼎銘序南史云宋司徒褚淵因送湖州刺史王僧虔閣道

壞墜水僕射王儉驚跳下車謝超宗恃才使氣多所凌忽撫掌大笑曰落水三公墜車僕射

責吏

事設小會

漢光武以吏事責三公故功臣不用注云太尉公掌四方兵事司徒公掌人民孝弟

謙讓事司空公掌外土營城邑浚溝洫修墳坊事此所謂吏事責三公也分紀云前代三公策拜皆設小會所以崇宰輔之制自魏末以後廢格不行至石鑒拜司徒有詔令設會遂以為常

大司徒四

原主教

左傳云少昊氏以鳥名官祝鳩氏司徒也注云祝鳩孝故司徒也主教民也

民成

契為司徒而民成注
云民成知五教之法

銅臭

象籌

俱詳大司徒二

明七教

修六禮 敷五典

齊八政

俱詳大司徒一

理人倫

古今通語

云訓五品理人倫使風行俗
平萬國咸寧者謂之司徒

統人倫

晉書荀組傳帝欲以組為司徒

問太常賀循循曰組舊望清重忠勤
顯著遷訓五品以統人倫實允眾望

行純備

華嶠漢書云鄧

禹字仲華拜大司徒年二
十四內文明德行純備

德充塞

曾植輔臣論云德充塞于內智彌橫

于外解釋剖散繫結者王
司徒也案王司徒朗也

司徒象地

晉百官表注司徒唐虞官也王

者象地立司徒
使掌邦教也

司徒成德

大戴禮

司徒主吏

晉百官表注司

徒則總主天下之吏
其屬官如太宰也

司徒主人

白虎通云徒眾也重民眾

式和

民則

尚書君牙篇穆王命君牙作周大司徒曰弘敷五典式和民則

示民軌儀

晉起居注

云武帝太始六年詔曰昔舜命九官契司五教所以崇弘王化示民軌儀也

用理蕃維

崔駰

司徒箴序曰帝堯命禹五品之訓用理蕃維在位者也

總論人物

王隱晉書曰何曾字穎考

以太尉領司徒曰舊宰相之職自古及今總論人物訓治之本也

宣力賜勤

蔡邕鐘鼎銘序

曰惟建寧四年三月乃制詔曰其以司空橋元為司徒公允廸厥德宣力賜勤

簡亮持重

王隱

晉書曰魏舒字陽元山濤薨以舒領司徒有頃即真舒居位簡亮持重為任職臣

增傅祗遜

位

晉諸公讚曰司徒傅祗疾遜位不許板輿上殿

荀勗答詔

荀勗別傳曰咸寧四年司徒何

曾遷太宰詔問勗司徒處當得人誠副遠近之望并治事見才誰可也勗答詔云三公具瞻所歸不可用非其

欽定四庫全書

卷六十七

卷六十七

人昔魏文帝用賈詡為三公孫權笑之
今尚書令李徹忠亮高潔宜處台輔

事體練達

漢東

胡廣年八十四練達事體明解朝章雖無蹇直之風屢
有補闕之益在公台二十餘年禮任甚優一履司空再
作司徒三登太尉又為太傅其所辟命皆天下之士與
故吏陳蕃李咸並為三司蕃等每朝會嘗稱疾以遜廣
馬

昭德塞違

晉天文志曰三台大星西近文昌二星
曰上台為司命次二星曰中台為司中

東二星曰下台為司祿所以昭德塞違也又周禮大宗
伯疏云上台司命為太尉中台司中為司徒下台司祿
為司空故漢郎顗傳云三
公上應台階下同元首

原辨十有二壤

周禮云辨
十有二壤

之物而知其種以教稼穡樹藝鄭注壤亦土也變言耳
以萬物自生則言土土猶吐也以人所耕而樹藝則言
壤壤和
緩之貌
知九州地域
又云以天下土地之圖周知
九州之地域鄭注周猶徧也

五地辨物生

又云以土會之法辨五地之物生一曰山林二曰川澤三曰丘陵四曰墳衍五曰原

隄

八刑糾萬民

周禮大司徒職云以鄉八刑糾萬民一曰不孝之刑二曰不睦之刑三曰

不嫺之刑四曰不弟之刑五曰不任之刑六曰不恤之刑七曰造言之刑八曰亂民之刑

施教十

有二

又云因此五物者民之常而施十有二教焉一曰以祀禮教敬則民不苟二曰以陽禮教讓則民不

爭三曰以陰禮教親則民不怨四曰以樂禮教和則民不乖五曰以儀辨等則民不越六曰以俗教安則民不

偷七曰以刑教中則民不詭八曰以誓教恤則民不怠九曰以度教節則民知足十曰以世事教能則民不失

職十有一曰以賢制爵則民慎德十有二曰以庸制祿則民興功鄭注陽禮謂鄉射飲酒之禮也陰禮謂婚姻

也儀謂君南面臣北面父坐子伏之屬俗謂土地所生習也偷謂朝不謀夕恤謂災危相憂度謂宮室車服之

制世事謂士農工商之事慎德謂矜其善德勸為善也庸功也

頌職十有二

又云頌職事十

有二于邦國都鄙使以登萬民一曰稼穡二曰樹藝三曰作材四曰阜蕃五曰飭材六曰通材七曰化材八曰

斂材九曰生材十曰學藝十有一曰世事十有二曰服事鄭注稼穡謂三農生九穀也樹藝謂園圃毓草木作

材謂虞衡作山澤之材阜蕃謂數牧養蕃為獸飭材謂百工飭化八材通材謂商賈阜通貨賄化材謂嬪婦化

治絲枲斂材謂臣妾聚斂疏材生材謂閭閻民無常職轉移執事學藝謂學道藝世事謂以世事教能則民不失

職服事謂為公家服事者元謂生材養竹木者飭材百工修飭金玉之屬以為器也

以本俗安

民又云以本俗六安萬民一曰嫗宮室二曰族墳墓三曰聯兄弟四曰聯師儒五曰聯朋友六曰同衣服案

注嫗音美善也謂約稼攻堅風雨攸除

以保息養民

又云以保息六養萬民一曰慈幼二

曰養老三曰振窮四曰恤
貧五曰寬疾六曰安富

韓暨志高潔

景初二年詔
曰韓暨深身

浴德志節高潔年踰八十守道彌固可
謂純篤老而益劬者也其以暨為司徒

石苞陳本務

晉書曰石苞為司徒苞深陳農桑本
務明其考課居位五年天下稱之

顏淵為司徒

論語

摘輔相云子夏曰仲尼
為素王顏淵為司徒

鄧禹作司徒

漢書鄧禹傳制
詔曰前將軍鄧

禹深執忠孝與朕謀謨帷幄決勝千里孔子曰自吾有
回門人日親斬將破軍平定山西功效尤著百姓不親
五品不遜汝作司徒案史記曰顏回死
孔子哭之慟曰自吾有回門人益親

侯霸有威容

袁山松漢書曰侯霸拜大司
徒矜嚴有威容奉公無私也

鄧禹遠名勢

華嶠漢書
鄧禹為司

徒天下既定常欲遠名勢
有子十三人各使守一藝

祿賜施故人

魏華歆事詳
大司徒二

祿賜散九族

王隱晉書曰魏舒為司徒祿賜散之九族家無餘財

王良妻布

衣

漢司徒

華歆賜御衣

魏志華歆傳云文帝即位以歆為司徒下詔曰司徒國之雋老

所與和陰陽理庶事也今大官重膳而司徒蔬食甚無謂也特賜御衣及為其妻子男女皆作衣服

當

歸馬之代

居祝鳩之官

況當至理之朝

宜重若

保之任

漢用元勲任崇鄧禹

晉推碩德選在山濤

養老恤孤崇德黜惡

禮記王制曰司徒養老以致孝恤孤獨以逮不足尚賢以崇德

簡不肖以黜惡也

載育庶物安撫萬民

晉百官表注司徒掌邦教云

百

姓不親則責司徒

尚書大傳曰百姓不親五品不順則責司徒

萬民飢寒

則賜司徒

大戴禮曰財物不蓄萬民飢寒風俗淫僻百姓荒亡人民散敗則飭司徒

思訓

五品以康四海

晉起居注武帝太始六年詔曰朕承洪業昧於大道思訓五品以康四海侍中

司空荀勗明允篤誠思心通遠翼亮先王遂輔朕躬其以為司徒

宜贊三事以敷五

教

王隱晉書山濤以左僕射為司徒詔曰濤道高德茂器宇淵濟宜贊三事以敷五教也

大司徒五

增詩唐賈島上邠寧邢司徒詩曰箭頭破帖渾無敵杖

底敲毬遠有聲馬走千蹄朝萬乘地分三郡擁雙旌春風欲盡山花發曉角初吹客夢驚不是邢公來鎮此長

安西北未能行 張嬪贈李司徒詩曰承家拓定隴關
西勲貴名應上將齊金庫夜開龍甲冷玉堂秋閉鳳笙
低歡筵每怨嬌娥醉閑櫪猶驚戰馬嘶長怪魯儒頭枉
白不親弓劍覓丹梯

原箴漢崔駰司徒箴曰天鑑在下仁德是興乃立司徒
亂茲黎蒸茫茫庶域率土祁祁民具爾瞻四方是維乾
乾夕惕靡怠靡違恪恭爾職以勤王機敬敷五教九德
咸事晉民用章黔萌是富無曰爾悖忘于爾輔無曰余

聖以忽執政匪用其良乃荒厥命庶績不怡疚于爾祿
豐有折肱而鼎覆其餽書歌股肱詩刺南山尹氏不堪
國度斯憊徒臣司農敢告執蕃

原碑宋傅亮司徒劉穆之碑曰公諱穆之字道和彭城
人也公膺陶鈞之秀範談生民之上操三變肇於弱容
九德充於初迪文明在中柔順暢于事業敬以直內義
讓洽于州黨時元兇竄遁擁據荆沔乘輿播幸越蹈九
江公率先羣后電發川湄獎懷本之衆勵思奮之士栢

謙藉累業之資徐覆狃驟勝之鋒習亂之徒若蝟毛而
起內懷根本之虞外通首尾之勢公靈武獨運奇謨內
湛鞠旅陳衆視險若夷飛雲西沂則水絕鯨鯢乘輶東
指則陸殪長蛇迴累綦之危成維山之固豐功茂勳大
造於王室淳風懿化永結于荆南銘曰二儀發揮川嶽
協靈外恢溫雅內鏡文明懷仁履順蘊義居貞煌煌衮
衣禮亦隆止翼翼素心亮終如始夷情升降一色愠喜
訓儉于物復禮于已

原墓誌後魏溫子昇司徒元樹墓誌銘曰昔樞電降祥
姬水成業握八符以馭世膺五命以會昌欽明格于上
下光澤被於宇宙卜年永久歷世遐昌有文王之孫子
啟周公之苗裔積善所及踵武稱賢每以辛李為言恒
持韓白自許殫百慮之一致盡能事於生民蒼蒼在上
義歸無厚徒有東平避世之意空懷北海自晦之情疾
非逢霧終異啓手銘曰明允篤誠發于岐嶷未鏤已雕
不扶而直修禮以耕強學為殖孔既嘆魯莊亦吟越况

以度思有懷明發翻然高舉歸于魏闕長路未窮朝光
已沒 又司徒祖瑩墓誌曰自天命生商王居徙亳淵
源悠遠枝葉繁華祖德潤於身聲高邦國父行成於已
名重京師公鍾美多福資神積善器局閑靈志識開悟
口含碧雞之辨手握雕龍之文門有善業家傳慶靈礪
金成器相遺滿羸琢玉為寶待價聯城匪直也人實惟
有道言析秋毫辭連春藻 梁沈約為司徒謝朓墓誌
銘曰嶽神昔降和氣令鍾以彼天爵鬱為人龍崇墓往

峻世德今重漢車作傳靈位攸待我君應符非公莫宰
華衮既罷輕羅自改形雖廟堂心猶江海經邦已備皇
情廻屬素駢轂柳玄雲罷曲 增唐杜牧為東川節度
使檢校右僕射兼御史大夫贈司徒周墀墓誌銘曰姬
之支封國自為姓以周為氏入唐不盛歷後幾世厥生
賢孫當唐中興為唐相臣文思天子誇古為治提起王
道以公為倚近蹊巢竅出者鳥駛誰塞誰棘勞公碎指
三屏大邦駿壯武事哺撫稚耄父母赤子曰將曰相公

其愧幾拍古為比公其無愧以公遺唐而後公死不錫
壽考誰其辨之

原諫後漢張衡司徒呂公諫曰昔呂皇祖帝堯之緒伯
夷秩唐唐宗允叙四嶽在虞傳王佐禹克厭帝心姓姜
氏呂登是南邦以家以處降及于周穆侯作輔寡于九
族九族用寧登受八命衮職靡傾黃耳金鉉公餽以盈
綽兮其寬皦兮其清既明且哲式保令名旂旌從風駟
牡超驤去此寧寓歸于幽堂玄室冥冥修夜彌長 梁

簡文司徒始興忠武王誄曰皇源地闡帝業天維於穆
忠武光國之基爰自弱齡英明播越玉潤冰鮮山靜雲
發帝曰爾諧僉議彼屬推轂兩江建旗三蜀將旋上國
總結四民三鱣表服二鹿隨輪方變正袞永範時規天
弗報善哲人其萎響哀挽于北邙去承明而不入望參
差之流影聽潺湲之雨泣

原章宋謝莊北中郎新安王拜司徒章曰丕惟震施罔
匱鴻慶方稠燮調之重遂臻非據智小謀大周易興規

少陽微暄有鑒前史辨其動植布其安擾以倡九牧阜
成王教豈臣眇末所能克荷 又為北中郎將謝兼司
徒章曰臣聞燮理陰陽寅亮天地弗惟其官無人則關
司徒掌敷五教職擾兆民豈悟乾靈罔圯光渥方闡不
次之任殊絕藩岳豈可權尸三事假備六符慙震周迴
顧步交悻

原表梁吳均揚州建安王讓加司徒表曰臣聞玄黃之
馬事絕於銜鑣蟠朽之材飾乖於丹漆何則千里之志

已窮萬乘之器無取遠物近身於焉在譬後魏溫子
昇為司徒高敖曹謝表曰委水橫流羣龍交戰徒悲道
喪空懷主辱雖復見義援戈臨危奮劒顧慙後歟終謝
先鞭事等泣河無救三川之竭有類憂天豈支四極之
壞北齊邢子才為潘司徒樂讓表曰武皇帝運屬繼
元事深微禹推蚩尤之陣破尋邑之師義開金石理勗
庸駘遂日奉羈勒有事風塵徒備鳥背之毛曾無馬箠
之力

大司空一

原司空古官

少皞鵠鳩氏為司空

舜攝帝位以禹

為司空

周禮正義曰禹自司空總百揆乃分司空之職為共工虞書曰垂作共工益作朕虞是也

禹玄孫之子曰冥亦為夏司空

殷湯以咎單為司空

周禮司空為冬官掌邦事凡營城起邑復溝洫修墳

防之事則議其利建其功四方水土功課歲課歲盡則

奏其殿最而行賞罰凡國有大造大疑諫諍與太尉同

秦無司空置御史大夫 漢初因之至成帝綏和元

年始更名御史大夫曰大司空

初改為司空議者又以縣道官有獄司空故復

加為大司空亦以別小大之文

金印紫綬祿比丞相哀帝建平二年復

為御史大夫元壽二年復為大司空 後漢初為大司

空建武二十七年去大為司空公

第五倫字伯魚為司空言議果決以貞白

稱張敏字伯達為司空行大射禮陪位頓仆策免

獻帝建安十三年又罷司

空置御史大夫郝慮免不復補

荀綽百官志曰獻帝置御史大夫職如司空不

領侍御史

魏初又置司空冠綬及郊廟之服與太尉同

鄭

字林叔為司空天子臨軒遣就第拜授表謂使曰魏以徐景山為司空徐公曰三公上應天心苟非其人實傷

和氣固辭見許

宋制進賢三梁冠佩山玄玉掌治水土祠祀

掌埽除樂器大喪掌將校復土厯代皆有之後周為

冬官謂之大司空卿

掌邦事以五材九範之徒佐皇帝富邦國大祭祀行洒埽廟社四望

則奉豕牲

隋及唐復為三公

天寶十三年策拜楊國忠為司空其日雨土

增

宋仍唐制政和二年罷遼金元詳太尉明無是官

大司空二

原禮記曰司空執度地以居民量地遠近興事任力
春秋元命苞曰危東六星兩兩而比曰司空主水

增尚書大傳曰溝瀆壅遏水為民害田曠不墾則責之
司空 韓詩外傳曰山林崩阨川谷不通五穀不豐草
木不茂則責之司空 家語曰度量不審舉事失理都
鄙不修財物失所曰貧貧則飭司空 漢官解詁曰下
理地道上和乾光謂之司空 白虎通曰司空主土而
不言土而言空者空尚主之況於實乎 環濟要畧曰
冬官司空掌邦事營城郭都邑立社稷宗廟造營宅器
械監百工 原尚書曰兪曰伯禹作司空帝曰兪咨禹

汝平水土惟時懋哉 又曰司空掌邦土居四民時地

利

注曰冬官卿主國室土以居士農工商四民使順天時分地利也

尚書刑德考曰

禹長于地理水泉九州得括象圖故堯以為司空 魚

豢典畧曰禹為司空披九山通九澤決九川定九州使

各以其職來貢地方五千里至於荒服 增傳子曰荀

仲預稱禹十二為司空 原齊職儀曰司空品秩冠服

同太宰舜以禹為司空成王以毛公為司空宋以武公

之諱改司空為司城楚改司空為莫敖 家語曰孔子

初仕為中都宰三年定公以為司空乃別五土之性而
物其所生之宜咸得厥所 齊職儀曰秦置御史大夫
省司空 東觀漢記曰杜林代張純為大司空務於無
為第五倫為司空奉公不撓言事無所依違 續漢書
曰張奮為司空時歲災旱祈雨不應乃上表即時引見
復口陳時政之宜帝召太尉司徒幸洛陽獄錄囚徒天
雨三日 又曰王梁字君嚴為野王令赤伏符曰王良
主衛作玄武上以野王本衛地徙玄武水神大司空水

土之官也於是拜梁為大司空 袁宏漢紀曰第五倫

為司空有人與倫千里馬者倫雖不取每三公有所選

舉倫心不忘也然亦終不用 華嶠後漢書曰伏恭為

太僕帝臨辟雍於行禮中拜恭為司空儒者以為榮

增又曰竇融拜冀州十餘日又遷大司空融自以非舊

臣一旦入朝在功臣之右召會進見容貌辭氣卑恭已

甚帝以此愈親厚之 又曰張奮字稚通父純臨終敕

家丞曰司空無功於時猥蒙爵土身死之後勿議傳國

奮兄根少被病光武詔奮嗣爵奮稱純遺敕固不受帝
以奮違詔敕收下獄奮惶怖乃襲爵焉 又曰第五倫
章帝立徵拜司室奉公不撓言議果決後自陳老病以
二千石祿俸終身 魏志曰元年司徒司室並缺散騎
侍郎孟康曰夫宰相者天下之所瞻效誠宜得秉忠履
正本德服才之士足為海內所師表者竊見司隸校尉
崔林稟自然之正性體高雅之宏量論其所長以比古
之人忠直不偽則史魚之儔也清儉守約則季文之匹

也遂為司空封安陽亭侯三公封列侯自林始也 原

又曰徐邈拜司空歎曰三公論道之官無其人則闕豈
可以老病忝之哉固辭不受 華陽國志曰趙瑤字玄

圭自扶風太守來之郡司空張溫謂曰第五倫昔從蜀
郡為司空今掃吾第以待足下 荀氏家傳曰荀爽字

德明董卓徵公公到府三日策拜司空起巖穴九十五
日而為台司世人號曰白衣登三公 增楊賜本傳曰

司空賜華岳所挺九德純備三葉宰相輔國以忠五登

袞職拜難又寧

牟融本傳曰牟融經明才高明帝數

嗟嘆以為才堪宰相明年為司空舉動方重甚得大臣

之節

晉武帝詔曰三司之任以翼宣皇極弼成王事

者也故經國論道賴之明詰裴秀思心通遠勲德茂著

宜正位居體以康庶績其以秀為司空 原晉中興書

曰陸玩字士瑤王導郝鑒庾亮相繼薨殂朝野憂懼咸

以為三良既歿國基墜矣於是遷玩侍中司空給羽林

四十人玩比陳讓不聽既拜歎息謂賓客曰以我為三

公是天下無人也談者以為知言 增五代史唐書曰

清泰二年制以前同州節度使馮道為司空時議以自
隋唐以來三公無職事自非親王不恒置於宰臣為加
官無單置者道在相位時帶司空及罷鎮未命官議者
不練故事率意行之及制出言議紛然或云便可綜中
書門下事或云須冊開府及就列無故事乃不就朝堂
序班臺官兩省官入就列方入宰臣退踵後先退及晉
天福中以李鑄為司空周廣順初以竇貞固為司徒禹

珪為司空遂以為例議者不復有云

大司空三

原別五土

決九州

並詳大司空二

作地圖

掌邦事

王隱晉書

曰裴秀字季彥為司空作禹貢地域圖事成奏上藏於祕府為時名公

下詳大司空一

通九澤

居四民

並詳大司空二

造宮室

平水土

鄭玄考工記注曰司空掌營城

郭建邦邑立社稷宗廟造宮室車服器械監百工唐虞以上曰共工

下詳大司空二

李通識

王梁符

華嶠後漢書曰李通字文元以識記說先武為大司空

下詳大司空二

赤伏

符素絲節

上詳大司空二

晉起居注曰武帝詔鄭玄曰體行純正履道冲粹退有清和之風

進有素絲之節宜齊三階之曜
補衮職之闕其以衮為司空

詔政化

勸德風

荀

家傳曰顓為司空文帝平蜀議復五等表魏朝使公定
禮儀中護軍賈充正法律尚書僕射裴秀議官制公遂
刪定舊文行正式為一代之典書成奏上藏于祕府其
服色旗幟法駕之式禮樂犧牲柴燎之典袷禘遷毀配
食之制及于明堂辟雍之儀皆公所議定朝廷歸其美
公既為台輔德望清重加以留心禮教以年耆多疾不
數朝見詔使侍中任愷諮問政化所宜行否 華嶠後
漢書曰第五倫雖峭直然常以中興以來二主好更化
俗尚苛刺正化之本宜先以寬和及為三公值章帝長
者多恕屢有善政倫上疏褒稱盛美因以勸成德風也

數月超

百日至

漢書曰朱博字子元以京兆尹數
月超為大司空 范曄後漢書曰

荀爽固辭徵聘不得已
乃行起家百日至司空

三公領

中書無

尚書曰武
王時毛伯

為三公兼領司空職 晉書

為柱石 掌事典

世說

曰張華以中書監兼司空
玩既拜司空有人詣之索杯酒瀉置梁柱之間祝曰當
今乏材以為柱石莫傾人梁棟耶玩笑曰感卿良箴

周禮曰司空掌事典以平
邦國以經百官以生萬民

增掌水土

營城邑

浚

溝洫

修墳防

俱司空職詳在大司徒三責吏事注內

下台司祿

大

計元老

上詳大司徒四昭德塞違注內

蘓軾呂公著

批答云夫司空之官自唐以來雖無職事而孔子所謂天子有諍臣七人者三公首當之朕欲聞
仁人之言與天下之大計非此元老將安取斯

大司空

原宏父

周書宏父定辟注宏父事官司空也主廊地居
民謂之父者尊之也辟法也言能制其經界以

定法者也

鵠鳩

左傳少昊以鳥名官鵠鳩氏司空也注云鵠鳩平均故為司空平水土

司

空居人

孔安國曰司空主穿土以居人空穴也古者穿土為穴以居人

司空成禮

家語

曰御天下者以六官司空之官以成禮也注云司空事官也禮非事不立故曰所以成禮也

金印

紫綬

漢百官公卿表云司空唐虞之官也金印紫綬

法錯刑清

古今通語曰使國無枉法

治錯刑清事均民聚者謂之司空

俸同司徒

晉百官表注

祿比丞相

詳大

司空

制五服

見揚雄司空箴

別五土

詳大司空二

上和乾元

詳大司空二漢官解詁云云

下率世俗

典畧云今司空缺宜求能臣上以佐聖朝下以率世

俗者 水害責之

尚書大傳云水為民害則責司空

地震免之

魯國先賢傳云

孔氏仲淵為司空以地震免

性疾朋黨

漢書曰何武為司空性疾朋黨問文吏必于儒者問

儒者必于文吏以相參檢欲除吏先為科例以防請托其所居無赫赫名去後常見思

數犯嚴

諫

東觀漢記云任隗字仲和拜司空永平初外戚秉權朝臣畏悚莫敢抗者唯隗與袁安同心畢力數犯嚴

諫

乞上印綬

東觀漢記宗湛為司空十四年自乞上印綬賜千石俸

自陳老

疾

後漢書云第五倫肅宗初立擢自遠郡代牟融為司空倫在位奉公盡節言事無所依違吏人奏記及便

宜者亦并封上其無私若此自陳老病賜策罷以二千石俸終身

坐免大守

東觀漢記云馮

模為司空坐隴西太守鄧融免官

坐賣國恩

東觀漢記朱浮為司空賣國恩以為威福

增食不無味

長孫道生拜司空加侍中性忠厚廉謹衣不華飾食不無味一熊皮障泥十年不易

時人比之
晏嬰焉

飯惟脫粟

漢記云荀爽為三公食
不過一肉飯惟脫粟

時遊

廟堂

宋呂公著平章制曰屢貢封章力求退避朕重失
此三益之友而閤勞以萬機之煩又云毋廢議論

時遊廟堂可特授司空平章軍國事一月三
赴經筵二日一入朝因至都堂議軍國事

尊禮不

名

分紀云杜佑拜檢校司空同中書門下平章事歲餘
乞致仕詔五日三日一入中書平章政事佑每進見

太子尊禮之而不名後
數年因乞骸骨許之

忠直不偽

清儉守約

魏孟
康表

薦崔林詳

九德純備

詳大司
空二

朝廷舊臣

劉琨表薦
荀蕃詳大

大司空二

司空

原裴秀定官制

王隱晉書云裴秀為司空刪定
官制損益多當皆其所裁禮無

違者

荀顗定禮儀

詳大司
空二

當歸馬之朝

奉鴈鳩之

職任隗玄默守真

袁山松漢書云任隗為司空以玄默守真不求名譽義行內修人以

此服

陳寵溫粹有智

華嶠漢書曰陳寵為司空府故事督屬籍不通賓客以防交關

寵去籍通客以明無所不受論者大之寵奏議溫粹有智號為明府

陳羣至德純粹

曾植

輔臣論曰至德純粹進吐善謀者陳司空也按陳司空乃陳羣也

宋宏秉政恭約

袁山

松漢書曰宋宏為司空秉政恭約輕財重義有公儀子之風不與民爭利也

何武號為煩

碎漢書云何武字君卿為司空多所舉奏號為煩碎事後母不篤哀帝策免武曰舉措煩苛不合衆心孝聲

不聞惡名流行其上

陳羣譏其拱默

魏志云陳羣字長文為司空前後數

密陳得失每上封事輒削其草時人及其子弟莫能知也論者或譏羣居位拱默正始中詔撰羣臣上書以為

名臣奏議朝士乃見
羣諫事皆嘆息焉

彭宣疾病乞歸

漢書曰彭宣字子佩為司空王

莽為大司馬專權宣乃上書曰三公鼎足承君一足不
任則覆亂矣願上印綬乞骸骨歸鄉里得見親故不填

溝壑

王朗稱疾讓位

魏志曰文帝踐祚王朗為司空黃初中朗薦光祿大夫楊彪且稱疾

讓位於彪帝乃為彪置吏卒位次三公詔曰朕求賢于
君而未得君乃翻然稱疾非徒不得賢反開失賢之路
增王鉉之傾無乃居其室出其言不善
見遺於君子乎君其勿有後辭朗乃起
增稟自然之

正性 體高雅之弘量

魏志孟康表薦崔林云云詳大司空二

先王尚

德眎李為司空

左傳云衛使祝佗私于襄弘曰以先王觀之則尚德也昔武王克商成王定之

選建明德以藩屏周武王之母弟八人周公為太宰
康叔為司寇眎李為司空五叔則無官豈尚年哉

仲尼素王子路為司空

論語摘輔相云仲尼素王以顏淵為司徒以子路為司空也

大司空五

增詩唐李商隱寄太原盧司空三十韻詩曰隋艦臨淮
甸唐旗出井陘斷鼉摺四柱卓馬濟三靈祖業隆盤古
孫謀復大庭從來師傑俊可以煥丹青舊族開東岳雄
圖奮北溟邪同獬豸觸樂伴鳳凰聽酣戰仍揮日降妖
亦鬪霆將軍功不伐叔舅德惟馨雞塞誰生事狼煙不
暫停擬填滄海鳥敢競太陽螢內草終傳詔前茅已勒

銘那勞出師表盡入大荒經德水縈長帶陰山繚畫屏
只憂非緊肯未覺有臙腥保佐資沖漠扶持在杳冥乃
心防暗室華髮稱明廷按甲神初靜揮戈思欲醒義之

當妙選

小弟義叟早
蒙眷以嘉姻

孝若近歸寧

三十五丈明府
高科來歸膝下

月色

來侵幌詩成有轉櫺羅含黃菊宅柳憚白蘋汀神物龜
酬孔仙才鶴姓丁西山童子藥南極老人星自頃徒窺
管于今愧挈瓶何由叨末席還得叩玄扃莊叟虛悲雁
終童漫識甌幕中雖策畫劍外且伶俜俟俟行忘止鰥

鰥卧不瞑身應瘠於魯淚欲溢為榮禹貢思金鼎堯圖
憶土銅公乎來入相王欲駕云亭

原贊魏楊修司空荀爽述贊曰生應正性體含中和篤
誠宣於初言明允朗於始察是以在童齠而顯奇漸一
紀則布名須幼之可師甘羅之少者何以踰公之性量
乎砥心六經探索道奧瞻乾坤而知陰陽之極載而集
之獨說十萬餘言士林景附羣英式慕猶毛羽之宗鵬
鸞衆山之仰五岳也昔楚思叔敖而作歌鄭謳子產而

興歎瞻望弗及作詞告思詞曰爰在大漢挺荀作貞其
德允明誕發幼齡行蠲體潔如玉之瑩確乎其志乃勵
乃清遂陟司空天子是毗惟君之德朋寮所咨清水平
土茂哉是力將混六合繩以正直散以禮樂風以道德
晉孫綽賀司空循像贊曰公應天縱之德系命世之
期質與荆玉參貞鑒與南金等照若其好學之性不勸
而成弱不珍玩雅好博古慨洙泗之邈遠悼禮樂之不
舉於是覃思深講銳精幽贊雖齊侯之歸孟軻漢王之

宗仲舒無以加焉贊曰思文公侯誕保休祥素質玉潔
華藻金章總角韞德被褐韜光自昔喪亂鉦鼓日震禮
樂藏器詩書蒙塵哲人遐慨垂幙澄神仰觀洙泗揚波
絕津方曜金鉉協贊衡機昊天不弔曾不憖遺縉紳頽
範皇德莫毗公之云徂華裔同悲

原箴漢揚雄司空箴曰普彼坤靈侔天作則分制五服
劃為萬國乃立地官空惟是職烈烈雋人翼翼王臣臣
當其官官當其人九一之政七賦以均昔在季葉班祿

遺賢培克充朝而象恭滔天匪人斯力匪政斯勅流貨
市寵而苞苴是鬻王路斯蕪孰不傾覆空臣司土敢告
在側

原銘後漢蔡邕東海銘曰橋元為司空公越在先民毗
佐天子罔不著其股肱畢其思心式率天行式昭德音
原表宋謝莊東海王讓司空表曰臣側觀前載與窺洪
典三事之授惟帝其難臣秉少藉長久分踰涯量出滿
入泰每究榮光不悟乾燭方遠義路同遺下參弘化上

尸燮理自非德何具瞻聲堪民詠未有妄臻此澤空集
茲靈 齊孔稚圭為王敬則讓司空表曰故李通豪贍
以親寵登司王基才勇與聲華入選先帝擢臣以榮華
陛下伸臣以富貴遂行北帶五州東跨六郡內亞三鼎
外齊四嶽蟬佩之暎則左右交暉龜組之華則綴橫吐
耀輕輪徐動則劍戟如雲飛蓋暫停則鼓鐘成列擬金
龍吹鬱鬱其前鳴笳鳳管疊其後鄧禹若不遭漢光則南
陽之掾吏微臣若不逢明聖則孤城之戍客豈可加以

正台之席登以論道之寄啓黃扉而燮五緯躡青幃而

調四序 梁劉孝儀為臨川王解司空表曰臣以庸薄

繆竊隆重職班三事任總六條衣袞坐槐既闕論道馳

傳總常尤慙為政而俯司土地仰燮陰陽棟橈之機已

彰愆伏之咎爰著今水沴乃作旱魃為災山無蒼蔚雲

成煙火陛下曲私未垂策免臣職是當逖責乞降茲台

步協此天人 江淹為齊高帝讓司空表曰臣聞日發

星廻昊天無以爽其節山盈川冲厚地不能虧其度陛

下渚若鏡之明流如雲之暖方求士于版輿宜思賢如
蜀肆 北齊邢子才為司空景讓表曰屬平分廣施造
物多品長短入用小大見收連采台階堪均鼎足昨者
謫見垂象災起潛伏此之為累匪直微躬

原碑後漢蔡邕司空袁逢碑曰凡所臨君明而先覺故
能教不肅而化成政不嚴而事治其惠和也晏晏然其
博大也洋洋焉信可謂兼三才而諒剛柔無射於人斯
矣銘曰天鑒有漢賜茲世輔顯允厥後昭胤休序我我

雍宮禮樂備舉穆穆天子孝敬允叙降拜屏著奉饋西序威儀聿修化溢區宇乃尹京兆總齊禁旅 又為司

空房楨碑銘曰公言非法度不出於口行非至公不萌於心治身則伯夷之潔也儉嗇則季文之約也盡忠則史魚之直也剛平則山甫之勵也總茲四德式是百辟夙夜匪懈以事一人枉絲髮樹私恩不為也討無禮當彊禦弗避也是以功隆名顯在世孤特不獲愷悌寬厚之譽享年垂老至於積世門無立車堂無宴客衣不變

裁食不兼味雖易之貞厲詩之羔羊無以加也明明在
公實惟房后誕應正德式作漢輔邪慝是仇直亮是與
剛則不吐柔則不如媚茲天子以靖土宇 晉潘岳司
空鄭衮碑曰陳謨台階翼和鼎實顯迹成於臺省清風
暢於所蒞故能老安少懷遠至邇親凡厥縉紳之士所
以挹酌洪流含咀英芳者猶旱苗之仰膏雨湛露之晞
朝陽也銘曰於鑠元侯則天垂象弘操嶽峻宇量深廣
允恭克讓宣哲清朗有始有卒可大可久言由忠信行

履孝友光光金貂再冠其首赫赫皇符仍拆其部義格
皇穹德冠羣后清風顯烈沒而不朽 孫綽庾司空冰

碑曰君喻嵩巖之元精挹清瀨之潔流貞質謀於白珪
明操勵於南金雖名器未及而任盡臣道正身提衡銓
括百揆知無不為謀必鮮過端委待旦則有心宣孟以
約訓儉則擬議李文君平衡無私鳴謙寡欲當世之所
難於君易之矣於是慨然遠鑒量已而退高揖帷幙投
迹藩屏夫良玉以經焚不渝故其貞可貴竹柏以蒙霜

保榮故見殊列樹治而不亂者有矣未有亂而彌治者
也考終以正始即事以徵心少長能一其度貴賤不二
其道文康之雅量於是乎弘著矣銘曰洋洋俊穎巖巖
神嵩流滌淳氣頗扇祥風篤生公侯情靈德充臨川擬
潔仰華思崇履險思夷處滿思冲方恢遠猷皇極是贊
繁霜夏被修梧摧幹人之云徂朝野咸嘆儀型永戢光
風長煥 梁劉孝綽司空安成康王碑曰昔者重華文
命並胄高陽之苗豐邑春陵俱纂帝堯之緒而虞夏革

運姚姒之姓已分高光再興大漢之名無改如我皇家
梁齊代建異文叔之紹開起自王族非伯禹之更姓公
則本枝別幹誕自河嶽五百之期實應命世卜商有問
是謂色難承志望顏在公斯易至如文琰之對食餘幼
權之言爵里衛子之朗月映山杜生之凝脂點漆惟公
具美歷駕前修我我焉非嶽陵之所至浩浩焉總江漢
而為長故能擊水三千搏風九萬排天闕而俯眊掩浮
雲而上征皇帝甄名挺聖河洛有徵握衡含樞奄一時

夏利建藩屏固葉深根邨霍鄆郇方周啓祚封公為安
成王食邑二千戶允同衛叔賜寶器於商郊殊異唐侯
戲桐珪於汾水乃拜公為平西將軍荊州刺史楚之對
齊屈完引城池之固荆之比宋墨翟陳輦路之殊品金
作貢不異淮海維揚珠璣犀象又無求於晉國况以雲
夢九百之弘侈章華三休之巨麗公禦煩以寡居高而
降執冲虛之道無矜滿之情其為政也莊敬足以範物
慈惠足以庇民剛毅足以威暴清貞足以勵俗天監十

七年薨春秋四十有五凡我庶民竊親高義况復祇承
帝命來仕王家兔園晚春叨後者之賜高唐暮天奉作
賦之私常懼慶雲之會不酬而搖落奄至豈謂輕塵之
効莫展而峻極先頽思以立言貞石貽厥長世銘曰昔
在文昭五賢二聖漢藩魏屏微風不競於赫我梁德符
姬姓康王康叔異時同盛爰自妙年令問不已一孝一
弟實光行始義府文場詞人髦士波瀾莫際牆仞難窺
用茲先覺導此後知德大心小居高志卑再握不倦三

吐忘疲飛龍在天肇基宛瀆地猶小勝民同世復皇情
睠正屬難推轂允矣宗英移藩改牧誰謂路永江漢已
浮彼蒼不惠遽反成周川迴沂軸塗引歸旒

原墓誌宋謝莊司空何尚之墓誌曰遠源長瀾自晉徂
韓潛川韜玉霍岫騰鸞處華民瞻出光帝難寂寞壽仁
茫昧報施調於飪歸經難褰寄暎映流芳煙煴作義

陳徐陵司空章昭達墓誌銘曰周原膺膺佳氣蔥蔥王
業攸興帝圖斯盛在昔光武佐命鄰縣者鄧侯高祖元

臣同郡者蕭相公台輔之量便著綺紈瑚璉之姿無待
雕琢起家為東宮直前所奉之君則梁簡文皇帝既而
黑山巨盜憑陵上國白水疆胡虔劉中夏公傾其產業
募是駟雄思報皇儲累殲鯨寇屬幽風有象代邸方隆
搜荆楚之英才資班輸之妙畧百樓忽起登雲霄而俯
臨萬弩俱張隨雷霆而並震揚兵於九天之上決勝於
千里之中殪彼羣兇皆無旋踵陳寶應志懷反叛客引
周廸資其食力更事窺窬公奉詔崇朝飲冰將力前茅

後勁步驟奔馳仍向甌閩殄其巢窟若夫鳴蛇之洞深
谷隱於蒼天飛猿之嶺喬木參於雲日宜越艇而登嶠
蒙燕犀而涉江威武紛紜震山風海於是咸俘偽帥悉
據高墉爰泊滄溟莫不懲艾既而齊人無信將謀郢藩
鬪艦戈船窺江淹漢公終聞羽檄遽稟師期馳襲荊郢
應時燒蕩方欲宣威隴汧大討梁華屬上將之韜光逢
中台之掩曜大建三年薨於軍幕爾乃青鳥相墓白鶴
標墳林有逃車樹同華蓋前旂熊軾後乘龍輅介士發

三河之民哀鏡同駟馬之曲長安傳坐恩禮盛於西京
襄陽墮淚悲慟喧於南峴

原誄後漢張衡司空陳公誄曰敬仲初育發繇卜筮鳳
飛觀國流光末裔天祿明德德茂於公入孝出友爰肅
爰邕兼學多識窮理知幾德音孔昭翻爾灰飛賦政二
城還集皇闈公實省之疊疊庶績公實靜之藹藹百寮
公實愍之乃陟司空纂禹之跡導揚徽庸致訓京畿協
和萬邦萬邦既協殊服來同眇論前績莫與比蹤

原行狀梁任昉齊司空曲江公行狀曰公稟靈景宿擅
氣中和一匱初登東嶽之功可監埏埴在器瑚璉之姿
先表豈惟荆南有聖童之目襄城著孔甫之稱而已哉
故以羽儀宗家冠蓋後進路叔之一日千里北海之稱
美共治方斯蔑如也志學之年徧治經記登降千載網
羅百氏藻斷瞻逸蔚為詞宗延賈誼而升堂攜相如而
入室加以翰牘精辭發言有章持論從容辭無矜尚自
河洛邱墟歷載二百俾我逢掖遂淪左袵晉宋所以遺

恨祖宗是用顧懷公自荷方任志在尅復將欲使功遂之日身退有所爰乃卜宇金陵紫帶林壑用辭聊城之賞以為疏韓之館人謝運往遂輟遠圖 又沈約齊司空柳世隆行狀曰公稟靈華嶽幼挺珪璋清襟素履發乎齟𠂔及長風質洞遠儀止祥華動容合矩吐言被律時沈攸之狼據陝西氣陵物上而太祖登庸作宰天厯在躬攸之播封豕之情總全荆之力兕甲百萬鐵馬千羣水陸長驚志窺皇邑公抗威川涘勇畧紛紜顯晦有

方出沒無緒攸之乃反旆亘聞親受矢石增櫓乘埤嚴
衝駕雉雲輶俯闕地穴斜通丰蔭晚食負戶晨汲公乃
綏衆以武應敵以奇靈鋒電曜威策雲舉事切三版之
危氣損九天之就殘寇外老逆黨內摧焚舟委甲掬指
宵遯公風標秀徹器範弘潤茂乎辭彩雅善鼓琴摘純
蔡之高芬纂鍾嵇之妙曲雖嬰拂世務而素業無改臨
姑蘇而想八桂登衡山而望九疑七紆邦組三臨蕩甸
五職瑞扇一司百揆固可以齊衡八凱方駕五臣

增制唐元稹授劉悟檢校司空幽州節度使制曰朕聞
將星明則英豪用靈旗指則妖祲消勁草可以受疾風
盤根然後見利器苟非處劇何以用長况幽并少年燕
趙奇士居常以紫駟自騁失意則白刃相仇將領斯難
是先才傑昭義軍節度副大使知節度事澤潞磁邢洺
等州觀察制置使金紫光祿大夫檢校尚書左僕射兼
潞州大都督府長史御史大夫上柱國彭城郡王食邑
三百戶劉悟天與忠誠人推敬讓藟孟賁之勇不以力

聞避廉頗之強使之心服是以居危邦而智免臨大節而功高嘗見委於先朝屢作藩於右地朕以遼陽巨鎮自我底寧姑欲撫之以仁然後示之以禮而守臣嬰疾幕吏擅權撓政行私虧恩剝下過為捶楚妄作威稜不均饗士之羊但養乘軒之鶴致茲撓變職此之由不有將材孰懲兒戲敷求朕志深謂汝諧是用拔奇式冀宣力帖以亞相寵之上公俾光十乘之行以壯三軍之氣可檢校司空兼幽州大都督長史御史大夫充幽州契

丹兩番經畧盧龍等使散官勲封如故

大司寇

詳見刑部尚書

原掌三典刑邦國

周禮秋官大司寇之職掌建邦之三典以佐王刑邦國詰四方一曰刑新

國用輕典二曰刑平國用中典三曰刑亂國用重典鄭注典法也詰謹也

以五刑糾萬民

大司寇職云以五刑糾萬民一曰野刑上功糾力二曰軍刑上命糾守三曰鄉刑上德糾孝四曰官刑上能糾

職五曰國刑

以兩造禁民訟

大司寇職云以兩造禁民訟入束矢于朝然後

上愿糾暴

聽之鄭注曰訟謂以財貨相告者造至也使訟者兩至既兩至使入束矢乃治之也矢者取其直也

以

兩劑禁民獄

大司寇職云以兩劑禁民獄入鈞金三日乃致于朝然後聽之鄭注劑今券書也使

獄者各齋券書既兩券書使入鈞金又三日乃治之重刑必入金者取其堅也三十斤曰鈞

以嘉

石平罷民

大司寇職云以嘉石平罷民凡萬民之有罪過未麗于法而害于州里者桎梏而坐于嘉

石文石也樹之外朝右平左城使之善也

以肺石達窮民

大司寇職云以肺石達窮民凡

遠近惇獨老幼之欲有復于上而其長弗達者立于肺石三日士聽其辭以告于上而罪其長鄭注云肺石赤

石也窮民民之

以邦典定之

大司寇職云凡諸侯之獄訟以邦典定之鄭注

窮而無告者

云邦典六典也以邦典待邦國之治

以邦成弊之

大司寇職云凡庶民之獄訟以邦成弊之

大祭祀奉犬牲若禋祀五帝則戒之日蒞誓百官戒于百族鄭注戒之日卜之日也百族謂府史以下也郊特牲曰卜之日王立于澤親聽誓命獻命庫門之內戒百官也太廟之內戒百姓也

泣其盟書

大司寇職云凡邦之大盟約涖其盟書而登之于天府鄭注云涖臨也天府祖廟之藏

涖戮于

社大司寇職云大軍旅涖戮于社鄭注曰社社謂社主在軍者也書曰不用命戮于社

戮于兩

觀之下

家語云孔子為魯司寇朝政七日而誅亂政大夫少正卯戮於兩觀之下尸於朝三日

不敢朝飲其羊

家語云初魯之販羊有沈猶氏者常朝飲其羊以詐市人有公慎氏者妻淫不

制有慎潰氏者奢侈踰法魯之鬻六畜者飾之以儲價及孔子之為政也則沈猶氏不敢朝飲其羊公慎氏出其妻慎潰氏越境而徙三月則鬻牛馬者不儲價賣羊豚者不加飾男女行者別其塗道不拾遺男尚忠信女尚貞順四方客至於邑者不求有司皆如歸焉

御定淵鑑類函卷六十七